

Sala R

Gab.

Est.

Tab.

3

N.º

2

R-3-2

165<sup>o</sup> anno 3 socij Cris albus ac




Galão: —

AD INVICTISSIMVM ICANNEM TER  
TIVM LV SITANIAE REGEM  
HIERONYMI OSORII  
EPISTOLA.



VM MVLTA SINT  
Rex invictissime, quæ magna  
vix habeant ad hominum vitæ  
vel recte constituendæ, vel fun  
ditus euertendam: tum nihil est  
quod in virranq; partem tantum  
valeat, quæcum ardens quoddam  
audis, & fame desyderium.

Primum enim adeo late patet, ut nullus sit neque tanta hu  
manitate prædictus, neque tam agrestis & inhumanus, neq;  
tantis honoribus insigñis, neque tam obscurus & ignorans, ne  
que tot virtutis ornamenti excultus, neque tam multis fla  
gitij coopertus, qui non flagret infinita quadam glorie cupidi  
tate. Deinde ita est id cõmunitibus sensibus infixum, ut neque  
vir rationis euelli, neq; lege, aut more ullo mutari, neque ullo  
metu coerceri, & cōprimi possit. Postremo tam vehemens  
est, ut animum nullo in loco consistere patiatur: Sed semper  
incensum trahat, & rapiat ad maiora indies, & altiora in  
flamato studio consecranda. Ex hoc autem animi motu clarif  
sime virtutes, ex eodem terribilia vicia nascuntur. Acuit  
enim industria, animosque ad res acriter, & animose geren  
das excusat: ita tamen, ut alios ad ius humanæ societatis  
cuendum, patriæque beneficijs immortalibus obligandā



ad leges nefarie tollendas, & Rep. delectā sollicitet. Ut enim  
antiquissima cōmemorē, illi primi urbium conditores, qui  
homines in sylvis bestiarum more dissipatos unum in locum  
cōpulerunt, & in ciuilis vitæ societatē conuocarunt, omnes  
quod ex historijs cōstat ardenti gloriæ cupiditate fuerunt in  
studium tā p̄aeclari muneris incitati. Quid qui optimis le-  
gibus, & institutis ciuitates suas ad summā āplitudinē per-  
duxere? Quid qui pro patria caput suum in maximum vi-  
tae discrimen intulere? Quid qui maximarum artium disci-  
plinis ciues suos excoluere? Num obscurum est nemine se-  
sine magna spe laudis vel ad homines inter se iustitiae mu-  
nere conciliandos, vel ad Rep. virtute & industria defendē-  
di, aut ingenij muneribus illustrādā contulisse? Cōtra vero  
qui patrias euertere, aut scelere & amētia cōuulsere, omnes  
fuerunt ad tā ceterum, & tā immane facinus gloriæ cupidi-  
tate cōpulsi. Ut triusque autē rei, ciuitatis vnius varij casus  
infinita exēpla suppedirant. Si enim inuestigare velimus per  
quos fuerit olim Roma fundata, eiusque imperium latissime  
propagatum, ut a Romulo ordiamur, & seriē illā clarorum  
hominum, usque ad extrema florētis imperij tempora perdit  
camus, intelligemus omnes adeo appetentes laudis & gloriæ  
fuisse, ut illius parandæ causa neque labore nullum fugerint  
neque vita periculum recusarint. Rursus si naturā specte-  
mus eorum Romanorum, qui Romanum imperium per sum-  
mum scelus euerterunt, aut saltē de illius pernicie, & interi-  
tu cogitarunt, omnes reperiemus ad gloriæ cupiditatē incre-  
dibiliter exarsisse. Hoc autē neque in vnius tam ciuitatis

annalibus, neque in una tātū memoria hominum, sed atq[ue] in  
ōnes nationes in omni ētate cernere licet, nullum esse scelus  
immane, nullum facinus impium, nullā scētā pestilecē, nullū  
Reip. turbulētū motū, qui non ab appetitu gloriæ nasca  
tur. Non igitur immerito viri sapiētia præstanties cum ani  
maduertissent, ab hoc insitō laudis appetitu, & bona quā plu  
rima, & infinita mala proficiſci, quasi a cipiti sentētia in va  
rias partes distracti, modo iuuentutē ad summā gloriæ stu  
dium cohortandā, modo ab illa, quasi a magna virtutis, &  
constātiæ labe deterrēdā exstīmabant. Quid hic sāctarū  
literarū monimēta cōmemorē? Explicari enim non potest  
quā ſēpe, & quāta orationis vi, nos ad summū studium im  
mortalis numinis inflamēt. Rursus autē nihil est in illis tam  
dira poena ſācitū, quā ne quis honores abiat, ne principatum  
appetat, ne cupiditate laudis effeſatur, usque adeo ut omne  
Christianæ pietatis fundamētu in contēptu gloriæ cōſistat.  
Quid igitur? Ut sit vel in casib[us] humanis, vel in doctoriū  
hominū scriptis tantā diſſēſio, nū id etiā cœlesti disciplina  
tribuēdū est, ut illius præceptis imbuti explicare nequeamus  
ſit ne nobis gloria cōſectāda, ar ſūma potius animi cōtētione  
repellenda? Sed nimirū nihil animis nostris impressū, & in  
uſtum est, in quo nō diuinū beneficium agnoscere valeamus:  
noſtamen illis naturæ principijs, quæ nobis ad ſalutē tributa  
ſunt peruerſe vīcētes, noſtra demētia in perniciē incurramus.  
Nā ira, cupiditas, metus, dolor, voluptas & reliqua generis  
eiusdē, quibus animos vel incēdi vel reſtingui, vel incitari,  
vel remitti, vel efferri, vel cogtrahi, vel alio quouis pacto com

mōneri, & agitari sētimus, nobis donata sunt, ut noxia repel  
lētes, & salutaria a scītētes naturae statū conseruemus: Nos  
vero ea plerunque omnia ad flagitiū, atq; vitē & pestē conscri  
mus. Quo autē sunt illa maiora, & ap̄liora quæ accepimus,  
eo ex illorum abusu grauioribus malis implicamur. Largi  
tus est enim nobis deus rationē, qua maxime ab bellis diste  
mus, & ad diuinā naturā propius accedamus: Nos autē can  
dē sēpē numerorationē huc, & illuc versātes ea scelerā con  
cipimus, ut belluas etiā ī manitate superemus. Habemus etiā  
ā natura animos imbutos religione, qua incitati præcellētem  
illā naturā, diuināque vim hominum generi consulētem, ex  
operibus agnoscentes eā castissimo pietatisque plenissimo cul  
tu veneremur. At hominum amētia effēctum est, ut ab illo  
naturae sēsu duceretur öni scelere contaminata supersticio,  
quæ fusa per omnes nationes multis seculis önium fere ani  
mos opprimet, mortalesq; miserijs infinitis implicatos, &  
constrictos teneret. Nihil deniq; ne plura persequar, est no  
bis a natura insitum, quod non sit, vel ad corporis tutelā, vel  
ad animi cultum aptissimum. Sed nos plerunque diuinis mu  
neribus ad nostrum exitium & deformitatē abutimur. Ex  
quo efficitur non studium laudis cum sit nobis ingeneratum  
esse ullo modo vituperādum: sed iactationē, & leuitatē ho  
minum a vera virtute penitus aberrātiū, & inanissimis  
opinionibus önē vitē rationē peruerterū. Non enim teme  
re summus ille dominus eā cupiditatē önium mētibus insevit  
sed admirabili consilio & ratione, ut illa videlicet incitati  
ad honestatē ynde laus omnis existit ardenter aspiremus.

At homines flagitiis infames cum veræ dignitatis opibus  
orbiti, dignitatē tamē appetat, illiusque viā penitus igno-  
rēt, cā e rebus manissimis quærētes magnum in se dedecus  
admittunt, & patriæ plerunque pestē, atque perniciē machi-  
natur. Hoc igitur glorie genus inane, funestum, atque mor-  
tiferum omnium malorum seminarium in se cōtinēs execra-  
ri præcipiunt sapientes homines: ab huius pestilēti cōtagione  
Christi opt. Max. voce deterremur, non ab illo, quod vulgi  
amētiā cōrēnens, stirpe veræ virtutis innititur. Quæ cum  
sæpe mecum animo agitare, inire cæpi rationē quemadmodū  
errore multis insitū ex aliquorū animis euellerē: & hemi-  
nes nostros, in quibus est natura egregius amor laudis inge-  
nitus, a leuitate ad veræ gloriae studiū traducere. Et ut in  
libris de Nobilitate, quos scripsi ad Ludouicū fratrē tuū pri-  
cipē omnibus virtutibus ornatissimum, facere sum conatus,  
vt fucatā, atque fallacē nobilitatē a vera secerne: sic in his  
libris cōrēdo, vt inanē & fluxā a vera & stabi: laude seu  
gā, & admoneā cīnes, in quibus inest ardor quidā mentis ad  
gloriam, vt toto pectore in studiū pietatis, & religionis in-  
cumbār. Alter enim nunquā quod experunt, adipisci ulio  
modo poterunt. Ut autē id commodius efficere, venit in mē-  
rē m̄hi cōplete: his libris, ea que quondā de gloria & digni-  
tate in sermone quodā, a me cum hominibus amicissimis ha-  
bito, cum esse Bononiae, versata sunt: in quo sermone multa  
sunt adducta quætorius gloriae vim atque rationē facilius  
aperiēt. Hos autē d'alogos ibi dicare constitui, partim ut loc  
ingenij munere exiguo illo quidē, sed a nō exigua in te pietā

te profecto, animum erga te meum declarare partim ut tui  
nominis amplitudine, & authoritate munitus facilius önes  
reprehēsorum imperus arcerē. Accedit quod nihil aprius  
mihi videbatur, quā libros de gloria inscripos, illi principiō  
securare, qui est virtutum maximarum gloria præstatiſſi  
mus. Nec enim tu is es, qui leuitati seruias, cuius studia ad  
plausum populi referātur, quē misere distringat ambitio, &  
transuersum à recta viuēdi via deducat: Sed qui vitæ cōſſ  
lia ad exactissimā prudētiæ normā dirigās, omnesque tuas  
actiores veræ virtutis, perfectique officij ratione metiaris.  
Cum autē sis omni dignitate princeps, cum laude religionis,  
atque, ſac̄titatis imprimis admirandus. Quis enim via  
quā maiore diligentia adhibuit in sacris ædibus extruēdis,  
in rebus diuinis rite peragendis, in sceleribus impiorum homi  
num vindicādis, in christi nomine propagādo? Opera enī  
tua effectum est, ut innumerabiles Asiae nationes patria  
superstitutione repudiata, & pristinis, atque inueteratis institu  
tis omnino relēctis, ſeſe ad Christum ardēti studio contule  
rint. Non est igitur mirum ſi tantis aliarum omnium virtu  
tum laudibus abundas, cum hanc vñā, e qua reliquæ omnes  
oriuntur, fueris ſtudioſiſſime complexus. Tu singularis in  
ſtituē presidio Remp. tutam ab omnipernicie conſeruas: Tu  
Mores patriæ fluētes discipline ſeu eritate deuincis: Tu Lusi  
niā antea bonarum artium rudem omnibus disciplinis instru  
endam curas: Tua singularis apientia effectum est, ut in cō  
muni Christianæ reipu. incendio inter Christianos principes  
excitato, ſola Lusitania ſumma pace frueretur. In tuis au

tem laudibus illa est omnium clarissima, quod Christus nū  
mīne suo te protegit: tibi præsens adest: pro te pugnā capessit  
Quod cum alias sæpenumero, tum abhinc triennio fuit in  
India hostiū metiam confessione declaratum. Christi enim  
numen hostiū impetus repressit: nostros in summa paucita  
te, rerumq; omnium indigētia cælesti præsidio cōmuniuit:  
exercitum maximum, & robustissimum e Turcis, & alijs  
bellicosis nationibus Solymani opibus, & imperio conflatum  
deleuit. atque ne plura dicā, recenti clarissimi facinoris exē  
plo memoriam victoriarum, quæ, fuerunt olim diuinitus  
Abrahamo, Gedeoni, Dauidi, alijs quæ viris sacerdissimis cōces  
sæ, renouauit. Hoc igitur hstantis rebus es affæctus, ut  
cū popularis gloriæ causa nihil facias, incredibilitamē apud  
omnes populos gloria circunfluas. Singularis enim tuæ pro  
bitatis exemplis docuisti, non præcipue abitionem, non effræ  
nata dominā libidinē, non infinita pecuniæ cupiditatē, sed  
equitatē, iustitiā, māsuetudinem, beneficentiam, religionem  
glorii immortalem efficere. Quare fruere isto ratio bono:  
Christum tuæ gloriæ authorem semper intuere: omnes tuas  
curas in Reip. salute defige: & ad æternā, atque diuina  
gloriā omni imetu animū, ut facis, aspira. Sed iam tempus  
admetret, ut ad nostri sermonis explicacionem veniamus,  
quem velim protuā præstanti humilitate clementer ex  
cipias.

HIERONYMI OSORII LVSITAN  
NI DE GLORIA LIBER  
PRIMVS.

33



VM INIT ALI AM ME  
excoleēdi ingenij gratia contulisse, et  
ex multorū sermone ītellexisse nullā  
tunc Italiæ ciuitatē esse cū Bononia  
literarū gloria conferēdā: eam delegi  
potissimū, in qua studia perturbatiōe  
rerū mearū impedita longo tandem interuallo reuocarem.  
Post quam vero in ea consedi, re ipsa cognoui fuisse mihi ab  
omnibus quorum prædicationem sequutus fueram egregie  
consultum. Est enim illa ciuitas & opibus florēs, & omni-  
bus maximarū artiū disciplinis exculta: tū gentis humani-  
tate, et facultate rerū öniū ad studia literarū satis instruc-  
ta. Florebant ibi multi doctrinis græcis & latinis non  
mediocriter eruditī, multi in omni philosophiæ genere  
excellentes, multi postremo dicendi facultate præstantes,  
& in omni liberali doctrina summa cum laude versati  
Quid dicam de vtriusque iuris studio, cum illud constet,  
Bononienses iure consultos omnibus qui se huic grauissimæ  
disciplinæ dediderunt, admirabile semper acuminis & pru-  
dentiæ lumen prætulisse? Non igitur mirum videri debet,  
si tanta loci celebritate commoti bene informati adolescētes  
vndique Bononiam conueniant ad animum clarissimis di-  
sciplinis excolendum, cum in ea constitutum esse videatur  
egregium quoddam eruditionis, & sapientiæ domicilium.

4

## DE GLORIA.

In ea igitur manens cum omnem operam & studium in literis ponere cogitasse, nihil mihi prius faciendum putavi, quam ut me ad eorum amicitiam applicarem, qui erant ingenio, atque doctrina præstantissimi, ut eorum ope, & consilio eo quo cursum institueram citius atque felicius peruenirem. Quod quidem mihi facilimum fuit. Multis enim locis usu didici, nonquam elegantiam doctrinæ ab humanitatibus laude se iunctam esse: imo semper ingenij suavitatem cum omni literarum cultu fuisse incredibili amoris societate copulatam. Siue id accedit quia nemo ferme nisi miti, clementi que natura sit, & ab omni motu feritatis alienus, potest excellentem doctrinæ formam intueri, & ad illius cupiditatē incendi: & ita fit ut paucissimi docti agrestibus institutis vivant, quia paucissimi agresti ingenio prædicti in doctrinæ studium incitantur: Siue tanta vis est in optimis artibus, atque disciplinis, ut illarum ope facile quævis natura reddatur mitis, atque mansueta, & ad omnem rationem humanitatis excolatur. Praeclare enim Ouidius abire studia in mores assuerat. Ut enim quisque liberalibus est disciplinis instructissimus, ita maxime est in omni genere lenitatis atque comitatis excellens. Unde non immerito nomen humanitatis ad maximarum artium facultatem traductum est. Ibi igitur cum homines admodum doctos per amater obseruare, illi mihi parem voluntate redditæ cumulatissime gratia referebat. Erat mihi magnus usus cum Romulo Amasæo viro in dico admirabili, in oni que doctrinæ varietate præstantissimo. Observabā præterea Achille Bochiū, equestris

ordinis ornamētis atque singulari eruditio nis laude floreūtē.  
Lodouicū etiā Boca ferreū öniū Peripateticorū facile prin-  
cipem studiose audiebam: & alios item multos ex doctis  
habebam arctissima consuetudine deuinctos. Sed iij tam  
multis erant & domesticis, & publicis curis impediti, vt  
nulla ratione possent agerendis negotijs auocari: meisque,  
atque meorū æqualium longissimis sermonibus interesse.  
Quāuis igitur ad eos frequenter iuissim, aut salutandi  
causa, aut percontandi, si quis locus mihi multa legenti ex-  
plicatu difficilis incidisset: non tamen vñquam induxi ani-  
mum, vt homines qui & me multo etate anteibant, et erāt  
vehementer occupati vlla molestia afficerem: & prolixa  
oratione a grauissimis studijs aliquo tempore retardarem  
Disputationes igitur longiores sermonibus æqualium meo-  
rum, cum quibus eram assidue reseruabam: e quibus duos  
in primis ex omni nobilitate insigni amore, & studio cōple-  
xus sum. Alter erat Antonius Augustinus in Hispania  
Tarragonensi natus, quem propter mores suauissimos, &  
multiplicem eruditio nē ardenter amabam: Alter Ioannes  
Metellus Sequanus homosigulari modestia præditus, quicū  
diutissime vixi, atque coniunctissime. Vt terque autē eorū  
iūs ciuile, cuius studio dediti erant, alijs præclaris artibus  
excolebat: & multis dicēdiluminibusancipitesiuris quæstio-  
nes illustrabat. Neque enim erant ex eorum numero, qui  
sibi diligēssime cauendum esse statuunt, ne bonas literas  
quasi iuris studio pernicioſas attingant: sed potius nūquam  
se posse ad illam amplissimam iuris dicendi, & reip. consti-

LIBER PRIMVS.

tuendæ facultatem peruenire credebant, nisi fuissent omni doctrina nobilitate digna, in primis eruditæ. Cum autem aliquando in suburbano quodam, quo nos Augustinus inuitarat simul essemus, post alios sermones ultro citroq; ut fit, de multis rebus habitos ego huiusmodi sermonē institui. Quando eam oportunitatem, quā maxime optabam mihi diuinitus oblatam esse video, valde reprehenderens sim, nisi ex ea fructus excepero, quos facile huius loci amoenitati, omniumq; villarum fructibus anteponam. Postquam enim Florentia venisti, nunquā mihi licuit per otium sciscitari, quam multa sint in illis Pandectarum voluminibus, quæ diligentissime cognouisti, ab ijs quæ vulgo circunferuntur dissidentia. Et satis ne magnum adiumentum studiosis vos allatueros speretis. Ardeo enim incredibili cupiditate audiendi, et simul spem concipio fore aliquando, ut ductu vestro summorum hominum prudentiam in libris illis reconditam penitus inuestigem. Hic Metellus arridens, Quid tibi, inquit, in mente venit arcana iuris ciuilis velle cognoscere, cū iā pride a nobis defeceris: et hanc totā disciplinā omnino cōtēpseris? Quem admodū enim illis qui ad hostes perfugēre, non sūt amplius iura ciuitatis illius quam scelere amiserunt, recolēda: ita nec tibi in hæc nostra studia, quæ deseruisti, curiosius inquirendum censeo. Site ad nos retuleris, et quasi post liminio reuersus pristina iura recuperaueris: tum fortasse te in penetralia disciplinæ ciuilis admittemus. Aliter te non modo interdictis arcebimus: verum etiam armis, ut iuris ciuilis hostem, ab huius scientiæ fmib⁹ repellemus. Male, in

quam narras. Neque enim is iuris studia contempsisse purandus est, qui solam altissimarum atque diuinarum rerum cognitionem illis anteposuit nec hostis iuris, atque legum dicendus est is qui se ad illam disciplinam contulit, e qua, tanquam ex fonte sanctissimo leges omnes haustae, atque delibatae sunt. Nulla igitur causa est, cur mihi non liceat aliquid ex vestra facultate decerpere, vobis praesertim authoribus quicquam multa ornamenta ex illis artibus, in quibus elabore ducta retinetis. Quod si iniquus esse perseveres, vel te, vel hunc nostrum Augustinum muneribus deliniam, ut quacunque tandem ratione vestra cognoscam. Postea, inquit August. videbimus num ea tibi impertire conueniat, quae tamen non oratione, sed scriptis comprehendes. Neque enim possent tam multa, tanto temporis spacio, tantoque studio collecta humana memoria contineri. Nunc autem quiduis aliud agam libentius. Aene quum enim est ut animum a labore nimio quem his diebus in studio explicandi iuris excepti, alio studij genere relaxem. Praestat enim hoc multiplex literarum cognitio, ut nunquam labore frangamus: & vius studij satietatem aliarum rerum cōmentatione depellamus. Quare in præsentia (ius enim esse statuo, ut quandiu in meo regno es sis, me sequamini) mentionem iuris civilis omitteremus: Tuque in primis (me autem appellabat) si quid est in studiis tuis noui, fac afferas in medium: & aurium nostrarum sitim elegantia, & copia tuae orationis extinguas. Mihi inquam nihil est, quod vestris auribus dignum esse putem. Toto enim tempore quo hinc abfui stis, disiunxi me a consue-

tudine Musarū: animūque retuli ad studia plena laboris et  
inania voluptatis. Nā ē in theologis recentioribus versatus  
sū, qui quidē sūt ab öni elegātia doctrinæ, ē venustate ser-  
monis abhorretes: ē in hebraicarū literarū elemētis perdis-  
cendis curā, atq; cogitationē posui. Omnia igitur studia his  
proximis diebus abieci, quorū disputatio vos afficere volup-  
tate aliqua potuisset: ē in illis versatus sū, quæ mihi nihil iu-  
cūditatis, plurimū vero laboris attulerūt. Eadē igitur, īquit  
Metellus, conditione fuisti, qua nos, qui non modo sine iucūdi-  
tate, verū cū magna interdū satietate, atque molestia Pan-  
dectarū volumina perlegimus. Q uod si quis nos interroget  
qua spe vtilitatis ipulsi, hoc negotiū suscepimus, vix vllā  
figere possumus: maxime cū magna pars eorū qui de nobis  
iudicaturi sūt vagis ē errātibns certorū hominū opinioni-  
bus addicta, eos irrideat, qui ad hos libros, tāquā ad purissimū  
huius disciplinæ fontē, omnia referenda putant. Q uis enim  
nos feret, si quibusdā in locis nostrā sētentia prudētiū testi-  
monio confirmata, imprudētiū responsis anteponā. Emolu-  
mētū itaque, et præmiū nullū video. Voluntas autē, si qua in-  
terdū capti, ē deliniti fumus, tanta certe non fuit, vt labo-  
ris, atque molestiæ magnitudinē adæquaret. Non tamē est,  
quod ad me attinet, cur me suscepit negotiū pœniteat. Nam  
nostro Augustino homini doctissimo, ē mihi amicissimo  
præclara quædā molienti opera dedi: ē ita pro mea virili  
parte multis iuris studio deditis aliquid opis attuli. Præclare  
tu quidē, inquā, Metelle. Nā is demū vir est virtute prestas  
existimādus, qui studia amicorū emolumētis suis ātefert  
ē omnes curas, atq; cogitationes confert in publicā vtilita-  
tē: libertissimeque rerū suarū iacturā facit, ut aliorū com-  
moda constituat. Sed illud nō recte iudicas, vos nullo præ-

mio affici posse? Quid? Parum ne magnum præmium po-  
nis in ea gloria & dignitate quā, isto labore fuisti assedit? Fieri enim haud quāquā potest, ut tam præclara industria  
quæ quidē est plurimū lucis doctis omnibus allatura, laudis  
& gloriæ fructu careat. Gloria autē nihil est in rebus huma-  
nis pulchrius, nihil amabilius, nihil cum virtutis altitudine  
copulatius. Nā & a splendore virtutis excitata est, & excel-  
lēti pulchritudine ad amore dignitatis allicit: & homines  
ingenio præstātes ad virtutis studiū inflāmat. Omnes enim  
qui maximo ingenio præditi sūt, stimulis gloriæ concitati  
res præclaras aggrediuntur. Tolle gloriæ cupiditatē, &  
omne studiū virtutis extinguis. Nemo enī in qua se pro  
Reip. salute in capitis discriminē intulisset, nemo publicā uti-  
litate emolumētis proprijs antetulisset, nemo denique omnibus  
rebus posthabitis sapientiæ studia coluisse, nisi primū fuisse  
ad spē quādā immortalitatis excitatus. Ut enī hic Themis  
toclē E paminōdā, Scipione, & ex nostris Carolum Magnū  
& Gothifredum, & reliquos imperatores rerū gestarum  
gloria florentes omittā, quis dubitat, Lycurgū, Charondam  
Zaleucum, incensos sēptemnē gloriæ cupiditate leges, insti-  
tuta, Resp. condidisse? Quis nescit Platonem, Aristotele  
Xenophōtē, Theophrastum, & omnes denique, qui monimē-  
tis suis philosophiā illustrauerunt, gloriæ suavitate fuisse in  
sapientiæ studium incitatos? Quis ad artē aliquā præcla-  
rā animum adiunxit: quis virtutē studiose colēdā putauit  
qui non primum in egregiū nominis celebritatē acē mētis in-  
tēderet? Ex quo facile cerni potest, quāta sit gloriæ magnifi-  
cētia, quod ones qui maximo animo excellētique ingenio sunt  
oā ardēter expertū: & illius causa, non inuitires honestis-

## DE GLORIA.

simas, atque difficillimas aggrediuntur. Nihil est igitur ea  
præstabilius, neque communi vita salutarius, nempe quæ a  
virtute nata sit, & animos maximos ad omnium virtutum  
excellentiam exuscitet. Quare, si quod spero vobis euene-  
rit, ut eo labore nomen vestrum immortalitati commendetis:  
satis magnum præmium arbitror esse vestris optimis stu-  
dijs persolutum. Est enim vestrum, dignitatem omnibus  
possessionibus anteferre. Hæc ego cum arrepta occasione  
dixisse, non tam ut longiorem sermonem elicerem: quam  
ut obiter Augustino orationem meam paulo ante require-  
ti aliqua ex parte satisfacerem: Augustinus ridens, istius  
certe, inquit, orationis ornamenta non videntur esse a theo-  
logis illis ducta, per quos te fuisse ais, a studijs eloquentiæ de-  
ductum. Primum enim illi non admodum ornate loquuntur  
deinde nemini fallere, aut mentiri permittunt: Postremo  
gloriam maxime contemnendā esse confirmant. Tu vero  
contra omnia. Nam & oratione satis ornata vñsus es, nos  
que deridendos huius claritatis expectatione suscepisti: eam  
que postremo dicis rebus omnibus esse præferendam. Illud  
autem quam festine dicendum? ut parta gloria contenti reliq'  
omnia negligamus. Quasi iam sit immortalitati nostri  
nominis hoc tam illustri opere, satisfactū: aut satis magnū  
p. & idium sit, in ista nobilitate, ad vitam bene beatęque degē-  
dam. Evidem ut de me loquar, cum animum ad Pandæ-  
Elarū emendationē adiucerē, nunquam speravi posse me hac  
ratione ad eā nominis claritatē, quā dixisti, viam munire.  
Quanuis enim res sit utilis, non tamen tantā esse puto, ut

mihi eam gloriam dare possit, quæ operibus magnificis,  
monumentisque perfectis ingenio, & elaboratis industria  
tribui solet. Nondum enim tantos in studijs progressus ha-  
bemus: tantumque roboris adepti sumus, ut inuidiam supera-  
re nomenque nostrū immortale reddere valeamus. Quod  
si abūde magnā gloriam essemus consequuti: nullatenus  
causa esset, cur ea nos voluptate diurna perfuderet. Nihil  
enim illa mihi videtur incōstātius, nihil leuius, nihil cōmuta-  
bilius. Quare si te ex animo dixisse putare ea, quæ de glo-  
riæ prestantia, & utilitate protulisti: magnā mihi profecto  
admirationem incūssisset oratio tua. Nulla enim sententia  
minus conuenit homini honestatis amore flagranti, & in  
vra que philosophia versato, quam ea quæ gloriam exornat  
Sed credo te in genij exercendi gratia voluisse rem incredibi-  
lem argumentis probabilem reddere: & contra doctorū  
omnium sententiā disputare. Atque utinam id quod cōtēdis  
efficeres. Magna enim me molestia liberares. Negare enim  
non possum me ad laudis cupiditatem exardescere: nec facile  
posse libidinem istā ressecare. Quod si posset haberi facilis  
& expedita ratio seruīdi gloriæ, sine virtutis, & cōstātiæ  
labore: omnes industriae neruos ad eā parandā, sine ullā dubita-  
tione cōtendere. Nunc autem pudet me leuitatis, atque flagi-  
tij, cū eam nobilitatē appeto, quam vix possim a contagione  
temeritatis purā, & iniuiolatā conseruare. Equidē, inquam,  
non aliter loquor, atque sentio: nec si mihi iuranda calumnia  
esset, gloriā defendere recusarem. Quanquā illa nullius  
eget defensione. Satis enim per se dignitatem suam tueri

potest. sed ex te scire sane velle, quid sequaris, ut rei tam insa-  
gni, & splendidae, leuitatis nomine imponas. Quare nisi graue  
est, set etiæ tuæ ratione expone. Gerā, inquit, tibi morē: & si  
mul orationi tuæ respōdebo. Illud tamē in primis dicā, me  
nūquā satis laudaturū illorū sapiētiā, qui onia infirma, flu-  
xa, cōmutabilia, in quibus casus, & fortuna dominatur, nullā  
vī habere ad beatæ vitæ cumulū statuerunt. Hæc igitur  
onia sapiēti cōtēnenda, atque pro nihilo putāda iudicabant.  
Sapiēris enī est nō habere aliude suspētas viuēdirationes: sed  
in animi bonis onia vitæ præsidia collocare. Illa igitur tātū  
bona numerabāt, quæ effēt vera, simplicia, recta, honesta  
cōstātia: quorū opibus, & præsidij solū boni muniūtur: quæ  
nūquā eripi, nec amitti possūt: quæ deniq; sola sūt propria  
eorū, a quibus possidētur. Reliqua onia quibus improbi fre-  
quēter affluūt: quæ impetu fortunæ facile conuellūtur, quæ  
postremo sūt in casu sita, aut in amētissimæ multitudinis  
opinione posita, nulla ratione bona nomināda existimabāt.  
At gloria primū ex eo genere rerū est quarū copia flagitiosi  
hōines sēpē numero redudāt. Ni parū Homero credis, apud  
quē Achille indigne patitur, vulgari honorē, & laudis orna-  
mēta virtuti debita, indignis tribui. Hac autē querela non  
solū Achilles usus est sed multi etiā quotidie iure vtuntur:  
cum passim videāt homines malitiosos virtutis simulatione  
nefaria scelera tegētes, in luce hominū, atq; celebritate versa-  
ri: eos vero qui virtute præstāt, in tenebris, & caligine iacere  
Neq; enim sēper quod tu assumebas, nominis āpliudo ortū  
habet a virtute. Imo lōge sēpius dolis, atq; fallacij, quā ve-  
ra virtutis ratione cōparatur. Est enī posita in iudicio popis

li, qui propter insitā stultitiā, & temeritatē nequit vera cere-  
nere: nec inanē specie dignitatis ab insigni forma verē digni-  
tatis internosere. Sic autē fit, ut ille vir bonus, & itegeat atq;  
verē virtutis amator, cū nihil fingat ad opinionē multitu-  
dinis, gloria careat: Contra autē vafer, & astutus īperit &  
multitudīs errore captās, diuinis laudibus efferatur. Quod  
si nullū est vitiū tetrius, aut pestileius eo, quod in virtutis  
specie latet, aliorū enī perniciē facile prouidēdo vitaueris:  
hoc autē prius īportuna clade premit, quā dolū sētire queas)  
cōstatq; gloriā lōge sēpius simulatione virtutis, quā vera  
virtute parari: Quæ tādē causa est, cur non fateamur, glo-  
riā a singulari genere improbitatis existere? Hoc infinitis  
exēplis cōfirmari potest. V idemus enī quotidie audaces, &  
facinorosos fortes existimari: auaros autē, & prodigos libe-  
ralitatis nomē obtinere: & alios itē varijs vitiorū cupiditati-  
bus īplicatos, ut virtute excellētes öniū sermone celebrari.  
Facile enī quiuis in tāta populi cæcitate viri boni personā  
tueri potest: & amētis plēbis oculos fallaci splēdore perstrin-  
gere. Cōstātia vero quæ potest esse in ea re, quæ nō in nostra  
potestate cōsistit, sed tota sita est in amētia populi? Quod  
enī fretū tātas habet agitationes fluctuū, quāta multitudi-  
nis īpetus, atque dementia? Quæ fuit unquā populis in aliqua  
sētētia diuturna permāsio? Quē modo singulari genere lau-  
dis ornabāt, eūdē statī lacerāt indignissima cōtumelia, &  
quē ātea cōuitijs insectabātur, in cœlu laudibus exiollūt. eos  
expellūt a quibus cōseruati sūt: illos āplexātur, qui erant  
Reip. perniciē machinati. Nihil vñquā fuit in illis cōstās, &  
firmū, nihil quod nō varias mutationes in horas singulas ha-  
beret. Sæpe itaq; vniushoīnis īprobissimi dictō, sæpe sedīosi

## DE GLORIA

atque turbulenti ciuis oratione, & calumnia, conuersi populi  
ijs quos paulo ante eximia laude afficiebant, inferunt infa  
mia insigne, eosdeque bonis omnibus euertunt. In ista tam  
mobili populi voluntate, qua in singulas horas inanissimi  
rumoris aura commutat, in ista tam præcipiti temeritate,  
tantaque multitudinis amentia, aliquid messe statuis, quod  
sit grauibus, & honestis hominibus expetendum? Quid enī  
quæso est minus virtutis grauitati conueniens, qua populi  
leuissimi plausum aucupari? Quid costatiæ magis aduersa  
rium, qua ex insipietissimi vulgi temeritate pendere? Quid  
denique miserius qua in ornamentis insanæ populi concessis  
aliquod vitæ præsidium constituere, quod qua diuturnum  
sit præstare non possis? Sunt enim omnes rumuscui perpe  
tuo metuendi illis, qui ad gloriæ cupiditatē incumbunt, cum  
animaduertunt, quam facile temeritate eiusdem populi, qui  
eam concessit, infringi soleat. In eo autem quod dixisti subla  
ta gloria, studia virtutis extingui, præclare tu quidem virtu  
tem exornas, quando statuis eam, nisi cupiditate famæ popula  
ris excitata sit, officio fungi non posse? Placet ne tibi virtu  
tis altitudinem, atque diuinam constantiam ad auctorē populū  
referre? Cum enim ita iudicas, virtutē non ipsius honestatis  
illecebris, sed amore tantum istius inanissimæ nobilitatis ad  
res gerendas excitari, onus virtutis dignitatē plebis arbitrio  
committis. Virtutis igitur genus inducis humile, supplex,  
abitiosus, intuens onus motus populi multitudinisque rumoris  
seruies, ut præclarā famā possit aliqua tardē ratiōe colligere  
Qua quidem re nihil absurdius excogitari potest. Quid enī

aliud est dicere, virtutem gloria incendi, nisi virtute opinione populi plerunque delirantis incendi? Omnis enim gloriae ratio sita est in consentientis populi prædicatione. Quid igitur ille faciet in deserto loco, quem laudis tantum cupiditas acuit, & ad claras actiones suscipiendas invitat? Necesse est enim, ut omnia virtutis officia deponat, si verum est quod in ratione tua parum considerate posuisti, res in qua studium virtutis, ni gloriae facibus inflammetur. Sed tu du gloria falsis laudibus ornare voluisti, virtutem ipsam propriis ornamentis spoliasti. Neque enim ullo modo virtus illa dicenda est, quæ famæ seruit, & officia vitæ ad populi opinionem moderatur. Virtus enim seruire non potest, quæ sola libera est: nec humana ornamenta requirit, cum diuinis illustrata colluceat. Illa vero exempla quibus usus es, non me valde moverunt, Nam aut illi imperatores, & principes nihil de sua laude cogitabant: sed amore virtutis inflammati, res illas tantas gerebant: aut nunquam ullam solidæ & expressæ virtutis rationem attigerunt. Iam philosophi qui scripserunt ad ostentationem disciplinæ, sunt valde ridiculi. Nam uitæ gratuitate oratione profitentes re ipsa sese leuitatibus istis dederent. Quid si vellem exemplis pugnare, infinitam prope multitudinem proferre possem eorum qui pessimis artibus nobilitati sunt. Ut enim alia genera scelerum prætermitantur. Quam multi ut immortale nomen apud suos assequerentur actiones populares acerrime suscipiendo, patrias euerterunt? Quam multi cum optimos ciues multitudinis amentiae resistentes exterminaret, ut benefici atque salutares amplissi

## DE GLORIA

imis laudibus affecti sunt? Quam multi postremo bellis iniustissimis orbem terrarum vexantes fuerunt hominum opinione in deorum numero collocati? Peruerse igitur faciunt qui gloriam, tanquam aliquod singulare bonum intuentur, cum ea improbissimis quibusque tribuatur: Et in opinionis leuitate, et inconstancia sita sit: Et scelere saepe numero, atque perfidia coparetur: Et postremo virtutem expellendo reipsa firmamenta nefarie labefactet. Haec mihi in mente venerunt, quae quidem video potuisse fusus explicari. Est enim materies eiusmodi, in qua possit torus dies facile consumi. Sed contineo me, partim quia nolo vobis oratione longiore molestus esse: partim quia satis esse dictum puto ad manitatem gloriae conuincendam. Haec cum ille dixisset, Tum ego, utrumque, inquam, te fecellit Augustine. Nam quo longior fuisset oratio tua, eo maiorem nobis voluptatem attulisset: Et opinio mea intimis sensibus insita non potest adeo breui sermone penitus euelli. Quod si mihi valde probauisses in claritatis studio esse flagitorum omnium seminarii: non tamen auderem fateri, me tam facile fuisse de sententia deiecitum: ne fortasse eiusdem leuitatis, et inconstitiae, quam multitudini tribuebas, vituperationem subirem. Si vero rem uberiorius explanares, et argumentorum copia ex intimo artificio de prompta mihi vim inferres, et quam plurimis exemplis causam apertam faceres, fortasse non puderet me in tuā sententiam discedere. Nunc autem vides, quam am ignominiam habeat facilis animi mutatio. Quare mihi gratissimum feceris, credo item et Metello, si

de hac quæstione copiosius disputare volueris. Perficies enim  
ut si parum sententia tua mihi probata est, eam quamplu-  
rimis rationibus cōfirmes: Si iam probata est, me saltem non  
leui certamine fusum, sed acri prælio superatum esse confi-  
tear. Hic Augustinus ridens, est certe, inquit, hominis  
gloriae studentis in omni sermone infamiae metu cruciari.  
Quare nolo deesse dignitatem tuæ. Cum enim coniçiam sen-  
tentiam tuam a mea non discrepare: omnes conatus adhibeo  
ut liberè te isto pudore. Quite vetat verum fateri. Exor-  
diar igitur, nisi quid aliud Metello nostro videtur. Mihi  
certe, inquit Metellus, nihil isto sermone iucundius acciderit  
Nam & incredibilem voluptatem ex disputatione vestra  
capiam: & in hactam dubia quæstione, quid magis veris  
miles sit, argumentis utrinque collatis eliciam. Fac igitur  
ut oratione tua rei totius vim, & naturam inspicere valea-  
mus. Audite igitur, inquit ille, philosophum insignem, ex  
Academiæ spacijs modo venientem, qui nobis aditum ad  
omnia philosophiæ arcana patefaciet. Hic postquam arrisi-  
mus, ad hunc modum exorsus est. In primis ipsius nominis  
vis explicanda est: ut melius possimus de tota quæstione iudi-  
care. Nemo autem dubitat: quin gloria sit in opinione. Ide-  
enim valet apud latinos, quod apud Græcos δόξα. Quamuis  
enim δόξα in uniuersum opinionem significet, ita tamen  
usurpatur interdum, ut illam tantum multitudinis opinio-  
nem significet, quæ habetur de dignitate cuiusquam, cum  
videlicet maior hominum pars est in alicuius lande consertiæ  
Vnde ei. a. cuenit apud latinos, ut opinio pro gloria capiatur.

*V*eluti cum dicimus, aliquem esse virtutis opinione præstatum. Ex ipsa igitur vocabuli sententia iam facile cerni potest quā aliena sit gloria à sapientiae grauitate. Est enim opinio imbecilla animi assēsio, nulla certa ratione munita, sed obscura quadam imagine veritatis excitata, falsa sāpe & incognita, pro veris, atque perceptis apprehendens. Sapientia vero nunquam in errorem induci potest. Neque enim siue cœlestia contempletur, siue terrena despiciat, in quanuis naturæ similitudinem, sed in ipsam naturam aciem mentis intendit. Cum autem precipuum munus illius sit, res stabiles, & nullo æuo interituras spectare: ita est cœlestium, atque diuinorum rerum disciplinis assuefacta, ut nunquam ad humanarum cōsiderationem descendat, nisi prius omnem circuncidat, & amputet inanitatem. Contra opinio, cum sit rebus mortalibus, atque fluxis intenta: ex illa consuetudine rerum minime consistentium, quasi quodam æstu circumfertur incerta: & insumma rerum omnium ignoratione, atque temeritate versatur. Ita igitur fit, ut pro pulchris deformia, pro salutaribus pernicioſa, pro iucundis acerbafrequenter arripiat. Quo circa nihil tam pugnat cū sapientia, quam opinio: nempe quæ sit inimica constantiæ, & amica levitatis. Si autē nihil esse potest clarum, & excellens quod constantiæ repugnet: qui fieri potest, ut gloria lumen aliquod habeat, cum tota sit in opinionis inconstantia; atque temeritate sita? Sed fortasse dices, non debere omnia ad illam exactissimam sapientiæ normam dirigi. Quæ negat esse grauiſ, & constatntiſ: omnis opinari: eosque te magis

probare, qui multa censem opiniōe conformanda. Sit ita  
sane. Nec est enim necesse omnia semper ad uiuum resecare  
Sed qualis erit ea tandem opinio, quae probanda est? Ea certe  
quae non ab imperita multitudine, sed a paucis sapientibus,  
uniuersa etiam multitudine reclamante, concepta est. At  
gloria in existimatione populari, atque multitudinis opinio-  
ne consistit. Quod loquēdi consuetudo facile declarat. Nō  
enim gloriæ cupidos appellamus eos, qui se paucis probari  
cupiunt: sed qui se totos ad multitudinis arbitrium fingunt,  
et accommodant. Quis enim unquam se nobilitatis amore  
ab hominum cœtu, atque communione se iunxit? Quin potius  
omnes qui laudem amant in hominum luce, atque celebrita-  
te versari cupiunt: et in omnium conspectu res magnas ad  
ministrare: ut eam gloriā aſsequantur, quam sibi proposue-  
runt. Ille qui Platone in ſtar omnium existimabat, et ab  
omnibus alijs desertus, præter unum Gracie sapietissimum,  
non alium auditorem requirebat, non erat studiosus gloriæ  
ſed veritatis. Contra vero Demosthenes, qui gloriæ cupidita-  
te Academiā deferruit, si fuisset a populi corona deſtitutus,  
etiam audiente Platone verbum nullum feciſſet: Sed potius  
animo fractus, et mærens, luctu, quod aliquādofeciſſe tra-  
ditum est, propemodum contabuiſſet. Si cest enim humilis  
atque demiſſus animus in gloriæ cupiditate. Quid philoſo-  
phi? Nōne ſatis ostendunt ea in populari prædicione verfa-  
ri? Si enim ea paucorum iudicio cotineri putaffent, nunquam  
ad illius contemptum tāto ſtudio ſuos auditores instruxiſſet.  
Hoc igitur ſit a nobis in principio coſtitutum, ea in publica,

## DE GLORIA.

opinione consistere. Aliter enim Socratem gloriae ap-  
pellaremus. Alexandri m vero glorie contemptore, quorū  
alter omnes hominū rumores aucepatur. Et cum magna  
bella susciperet, imperitorum opinioni seruiebat. alter multi-  
tudinem contemnens, non ad populi voluntatē, sed ad rectā  
rationem omnia vita consilia referebat. Est igitur hæc ve-  
ra gloriae definitio: universa & multitudinis opinio de alicuius  
egregia dignitate concepta. Reliqua deinceps persequamur,  
nisi prius ea, quæ a me haec tenus dictas sunt, refellenda putas.  
Id quidem, inquam, experiar, postea quā peroraueris. Nūc  
enim nullo modo committā, ut te interpellē, maxime, cum  
hæc definitio mihi non omnino displiceat. Cum igitur, inquit  
ille, constet gloriam esse consentientē populi laudem opinio-  
ne excellentis decoris excitatam: illud intelligendum est,  
talem nos opinionem de rebus expertendis, & fugiendis, de  
laudādis, & vituperādis accipere, quales sunt, y mores, quib.  
imbuti sumus. Id enim quisque laudabile indicat, quod in-  
tuetur, quod amat, quod nimis ardenter appetit. Quanta  
igitur varietas est in vltimi boni iudicio, tanta in laudis-  
opinione sit necesse est. Cum vero tam variū & multiplex  
sit hominū ingenii, tamque disparē mores, atque dissimi-  
les, accidit, ut in studiū suū quisque rapiatur: & ea laudan-  
da iudicet, quæ alijs vituperāda videātur. Quod quidem  
adeo late patet, ut nullum sit tantū flagitium, nullum tam  
corruptum atque sceleratum studium, quod in suo genere  
laudatore careat. Est enim certum laudis præmiū infimis  
etiam hominibus in ludicris artibus exercendis constitutum

Est & lenis & meretricibus sua laus in circunuenienda iu-  
uenture, & turpitudinis illecebris allicienda. Quæ res im-  
pulit scriptore quædā haud inelegantē, ut illā perfectā, &  
absolutā meretricis formā, quæ cogitatione concipi potest  
libro nā inuenusto complecteretur. Quēlibrum si me audie-  
ris, legendo cōteretis. Plurimū enim intexest ad maximarū  
artium studia, videre quam pulchre sint eo opere instructæ  
impuræ mulieres, ad tendendas fallacias, & pecuniam ex-  
torquendam. Hic Metellus ridens, inquit, bene sane fecit  
quisquis ille fuit, cum simplices fœminas, & huius tam præ-  
clare artis ignoraserudiuīt. Qui potuisse enim fallendi  
disciplinam tenere, ni fuissent huius literis adiutæ? Quid,  
inquit Augustinus, est impudentius vanitate? Quid odio  
maiore dignius, quam doli, fraudes, insidiae? Sed videmus  
Vlyssē Homericum auxilio Palladis cælando, & men-  
tiendo, mentemque ad omnem malitiam, & fraudem ver-  
sando, diuinis laudibus ornatum fuisse. Nunquam certe  
Homerus Vlyssē, quem nobis ad effigiem absolute sa-  
pientiae descripsit, his artibus præditum induxit, nisi  
temporibus illis fuisset summæ laudi tributum, astute fal-  
lere, & insidijs callide circumuenire. Quid autem Vlyssē  
admiramur, cum etiam Musæ apud Hesiodum glorientur,  
se cum velint falsa configere, & similitudine veritatis  
quos velint in fraudem inducere? Sed ad maiora ve-  
niamus. Est ne aliquid quod magis contineat ciuilem socie-  
tatem numinis metu, iuris iurandique religione, atque  
sanctitate? Nihil sane. Qui igitur iuriurandum vio-

DE GLORIA.

lat, is non solum in deum impius, verum etiam totius huma-  
ni iuris, & communis salutis euersor est existimandus.  
Attamen apud eundem Homerum legimus fuisse quosdam  
illustri, & clara fama propter periurium celebratos: Qua-  
lis fuit Autolycus, quo non prestantior alter, ut inquit Ho-  
merus, Et fraudare homines, & fallere numina diuum.  
et ne parum elegantem eam perfidiæ scientiam putaremns  
subiungit. Nanque suas illi dederat Cylleñius artes.

Neq; enī tā præclara studia sine dei illius ope coli potuissent,  
qui eo ipso die quo natus est, tam præclara dedit futuri la-  
trociniū documenta. Nam Apollinis boues abegit: & Vul-  
cani instrumenta surripuit: aliaque eiusmodi facinora edi-  
dit immortalitate dignissima. Fabulæ sunt, dicet fortasse  
aliquis. Fabulæ certe, sed ab egregio vate fictæ, ut videre-  
mus expressam veritatis imaginem: & totius antiquitatis  
mores & instituta cognosceremus. Is igitur docet nos illis  
temporibus neque latrociniū maria, & terras infestas red-  
dere neque insidias, & perfidia generis humani societatem  
violare neque periurio diuinæ mentis numen offendere, in-  
famiam ullam habuisse: sed potius eos qui ea scelera sciēter  
& callide suscepissent, magnam fuisse laudem eo artificio  
consequitos. Sed ne fabulis omnia confirmemus, quantā  
vim habeant leges ad laudem rebus impuris tribuendam,  
ex eo perspici potest, quod multa facinora tetre & impie  
concepta apud quam plurimas nationes honesta, & lauda-  
bilia putabantur, quod esset legibus præscripta. Assyryis mu-  
licibus ante quam fuisset illis ab aliquo peregrino stuprū

in luco veneris oblatum, nubere legibus non licebat. In Lydia erat statutum, ut mulieres corporis peruulgati quæstu dotem sibi cōficeret: ita ut quæ id facere renuisset, non satis proba, nec antiqui moris fœmina putaretur. Carthaginieſes, Rhodij, Galli, Scythæ, aliæ nationes quā plurimæ non satis numen placari posse existimabat, nisi in sacris solennibus homines īmolaret: usque adeo ut multi manus sua filiis vitæ eriperent. Qui igitur apud illos aras humano sanguineaspergeret, & seipsum parricidio cōtaminaret, vir religiosus, & pius haberetur. Quid hic Maſagetas, Quid Derbi ces, Quid Hircanos, & Caspios cōmemorē, quorum legibus erant ea scelera constituta, quæ etiā fugiat, & reformidet oratio? Hæc tamen illi, quod eſſent fæcita lege, & in more posita, iusta, & honesta ducebant. Magna enim vim habet mores, instituta, disciplinæ, quod vitæ communis exemplis facilime cernitur. Talis enim est, ut paulo ante diximus, de rebus laudandis apud omnes opinio, quales sunt iij mores, quibus imbuti sunt. Neque enim potest is qui pudore penitus amisit, honestatis specie cōmoueri: neque is qui öne ſtudiū ad fallēdum adhibuit, vera simpliciaque laudare: neque ille qui diurna cædis consuetudine efferatus est, humanitate & clemētia delectari. Nemo denique ea probabit vñquam, quæ videt eſſe ab institutis suis abhorretia. Cum hoc igitur adeo exploratum sit, quæ tandem vitæ ratio potest illi conſtare, qui omnia ad gloriā dirigit: & ſtudia uitæ multitudini probare ardētissime cupid? Si genus illud aureum extaret, poetarum monimētis immortalitati cōſecratum: tum

## DE GLORIA.

demū illi, qui se totos fingeret ad multitudinis arbitriū, potuisset simul cū gloria splendorē virtutis adipisci. Cum enī essent universi sapientes, quod nunc paucissimis contingit, nemo poterat multitudini mores suos probare, qui nō esset omni virtute cumulatus. Quomodo tādē, inquit Metellus, sine doctrinæ studio, quod tūc in illis non erat, sapiētiā assecuti sūt? Quasi, inquit Augustinus, illo studio illis opus fuit, qui nulla re, ut volunt poetæ, impediabātur, quo minus ipsā naturā optimā viuēdi magistrā sequerētur. Aurum autē illud apud poētas, nihil aliud significat, quā naturales opes virtutis, atq; sapiētie. Quod ut melius intelligatis, ut in illis Hesiodi carminibus, quæ a te (me autē appellabat) haud ita pridē conuersa memoriae mādaui,. Sic enim inquit,

Numine diuino primum est gens aurea terris  
Edita, Saturnus dum cæli sceptra tenebat.

Vt diuinebant homines, neque tristibus ægri  
Curis, nec pressi ærumnis, duro ue labore.

Omne malum cunctis aberat : tristisque senestus  
Nondum tardabat vires: sed semper eodem  
Robore firmati stabant, viridique iuventa:  
Ducebantque choros summa dulcedine lāti.

Hinc apparet illos homines præsidū sapientie circumseptos  
fuisse: nempe qui & mētem haberet ab omniperturbatione  
liberam & solutam: & sese ab his malis, quæ corporis va  
letudinem perturbant, & senectutem infirmam, & odio  
sā efficiunt, tutos cōseruaret. Nōdum enim abitio, & auari  
tia rationis arcē occupauerat: neq; dum corporibus infinitā

morborum vim luxuria, atque mollities invexerant, Nec solum in vita virtutis fructum capiebant, sed etiam aequitate animi incredibili moriebatur, quod est consummatæ cuiusdam sapientiae. Sequitur enim.;

*Non tamen inuiti linquebant lumina vitae.*

*Sed mors ut grato, dulcique sopore quietos;*

*Iam longa uictos ætate amplexa tenebat.*

**Cum enim vis omnis absuisset, neque dum pestilentes agri crudines in humanum genus invasissent: nemo poterat vita excedere, præter fatum, præterque naturam, sed longa, atque beata senectute consumptus. Additum deinde est.**

*Cuncta illis igitur felicia proueniebant.*

*Omnia nam tellus, nullo poscente ferebat.*

**Hic non tam est terræ fœcunditas, quam præstaria moderationis intelligenda. Erant enim diuitiæ naturæ contenti, quæ sunt parabiles, atque terminatæ. Si enim fuisset ardentes cupiditate, nūquā opibus illis, quas tellus mediocri diligentia culta large fūdit, atque munifice, corū sitis fortuisset extingui: sed in pecunia terra, & mari q̄rēda, & nīb. se se periculis exposuisset. Ergo nō ī merito cū tātis honestatis & inoccētiæ laudibus in vita floruisset, post mortē ātiquitatis opinione fuerūt in Deorū numero repositi. Sic enī subiūgit idē uates**

*Sed postquam fatum genus illud funere mersit,*

*Sancti terrarum geny sunt nomine dicti,*

*Humani generis custodes, & bona cunctis*

*Numina supplicibus, depulsoresque malorum.*

*Nunc terras lustrant, obscuraque aëre septi*

Vadunt iusta oculis, iniusta / juefacta videntes  
 Et ditant castos homines in uota vocati.  
 Hæc concessa illis regalia munera diuis.

*E*st plane regium munus, & gentis aureæ maiestati conueniens, munificentia sua miseros homines inopia, & egestate leuare: id que non tam opibus terræ venis effossis, quæ ijsde sapientiæ muneribus, quibus est aſſecuta diuinitatem. *H*oc enim arbitror Hesiodum significare voluisse, cum inquit, illos diuitias cultoribus suis elargiri. *S*ed ut in propositu redeamus. *S*i genus illud aureum in vita permaneret, nec eſſet maiore ex parte sepultu, tum fortasse qui omnia officia multitudinis iudicio conformaret, facile posſet egregios fructus honestatis percipere. *S*ed uidetis quæta sit huius auri diuini penuria? *S*ocrates apud Platone in illa ciuitate quæ finxit omnibus opibus florēt, atque beatā, ex huius aureæ nationis stirpe principes statuit. *C*um enim vniuersā ciuitatē in tres partes diuisiſſet, alijs enim reip. gubernacula tradidit, alios ad vrbis custodiā armis instruxit: alios postremo uoluit vel terram colere, vel in arte qua piam fabrili exerceri: cum igitur hoc modo ciuitatē distribuisset: *P*rincipum ordinem aureum appellauit: *M*ilitum vero argenteum: *a*gricolarum autē & opificum æneum, atque ferreum. *V*ult itaque principes excellere preſtatiæ sapientiæ, milites autē robore animi, infirmorum autē hominū etatē in pecuniæ studio consumi. *S*ic enim intelligit illa auri, argenti, & æris differētiā. *I*n illa autē ciuitate, quæ vir sapietissimus, ut absoluta formā beatissimi populi descripsit, fatetur multis partibus plures

cuiuscunque generis opifices, quam optimates, & principes, hoc est, sapientes futuros. Ergo illic erant etiam plures inueniendi, quidam uitias, a: que voluptates, quam qui veram virtutem amarent. Quod si in illa Rep. cogitatione Platonis informata, pauci futuri erant honestatis appetentes, præ multitudine hominum ferrea, hoc est, flagitiosa, Quid dicendum est in tanta, & tam insanabili omnium gentium cupiditate, tamque præcipiti amentia populorum? An parum liquet quam vere idem vates, cuius testimonio paulo superius usus sum, perditos ferreæ gentis mores insecatetur? Nullum, inquit, iuris, aut religionis vestigium in terris apparere: nullum esse inter hospites hospity fœdus: nullam inter fratres, atque propinquos benevolentiam: nullam inter amicos officij, & amicitiae sanctitatem. Deinde filios, inquit contumelia parentes suos natu grandes afficere: nec ullo deorum metu ab hactanta sceleris immanitate reuocari. Tum conqueritur nullam omnino laudem tribui, neque religioni, neque iustitiæ, neque probitati: & eos qui ciues suos iniurijs, & maledictis vexant, summopere laudari. Postremo pudorem asserit è terris exterminatum esse. Nemesim in exilium pulsam, iustitiam humanis sceleribus infensam hominum cætus deferuisse, & in cœlum euolasse. Sed quorsum attinet poëtarum sententijs uti, cum infinitis exemplis intellegamus, nihil posse fingi multitudine turbulentius nihil amentius, nihil in omni genere perniciosius? Quotus enim quisque est in populo, qui sapientiam diuitijs, honestatem voluptatibus anteponat? Contra vero omnes sunt ardentes

cupiditate nihil restringere ratione moderantes, sed omnia effrena  
ta libidine, atque nefaria voluptate metentes. Caco animi  
impetu salutaria declinant: pestifera, atque pernicioса conse-  
quentur. Eadem cecitate mentis impedit in eum na rerum  
immutant. Simplices, & apertos homines stultos appellant.  
Vnde etiam inuenientur apud Græcos, ut quæ εὐήθεια pro-  
prie significat in genuam bonitatem optime sentientem stul-  
tiam significaret: & nomen quod erat laudis proprium  
contumelie seruiret. Contra vero malitiosi, & fronte scelus  
occultantes, ut uiri prudentia clari, sermone omnium cele-  
brantur. Temeritati, & audaciæ fortitudinis nomen impo-  
nunt: Prudentiae vero, & moderationi timiditatis. Legibus  
obtemperare imbecilli animi esse statuunt: viribns vincere  
gloriosum. Frugales auaritiæ nomine vituperant: prodigos  
autem magnificentiæ laudibus exornant. Atque postremo  
in omni genere virtutes deserunt: virtia persequuntur a stu-  
dio honestatis abhorrentes, & indomitibus cupiditatibus infla-  
mati in summa opinionum inconstantia, & inanitate versa-  
tur. Sunt in rebus afflictis humiles: in secundis elati: in dis-  
crimine armorum timidi: in pace, & otio præfidentes: in  
inopia supplices: opib. autem affluentis ingrati. In periculis  
enim constituti optimorum auxilium implorant: timore  
autem liberati eosdem e patriæ finibus expellunt. Est enim  
vulgi proprium omnem virtutis excellentiam odio habere  
et amque ut libidini populi nimis aduersariam de medio tollen-  
dam putare. Hinc illud scelestissimum facinus Ephesiorum  
natum est, qui cum Hermodorum eycerent e ciuitate non

aliā causam attulerunt, nisi quod virtutis industria nimis  
inter omnes excelleret. Hinc etiam extitit Ostracismus  
ille (sic enim appellabant illud exily genus) Athenis, Ar-  
gis incredibili ciuium scelere constitutus. Quid enim aliud  
fuit in Aristide, quod offenderet populi voluntatem, nisi ad  
mirabilis quedam iustitiae, & integritatis opinio? Quid  
Cymonem & Themistocleē e patria eiecit, nisi res memora-  
biles in rebus bellicis effectae? Quid aliud eosdem Athenie-  
ses induxit, ut exilio, aut morte viros excellentes afficerent  
nisi quod cernerent in illis singulare quoddā lumen virtutis  
elucere? Sed Athenas omittamus hoc infando scelere nimis  
infames, atque detestabiles. Quid Hermocrateē Siracusis  
exterminauit, nisi facinus illud maximū, atque pulcherri-  
mum quo florentissimas Atheniensium opes attriuit, &  
patriam obsidione liberauit? Quid Dionem nondum præcla-  
ro illo munere perfunctum, cum adhuc tyranni, quorum in-  
gum a ceruice patriæ depulerat, arcem tenerent, expulit,  
etundemque patriæ libertate constituta, vita priuauit, nisi  
egregi illius muneris inuidia? Quid hic referā Camillum,  
Coriolanum, Rutilium, Metellum, atque Ciceronem, & alios  
innumerabiles singulare industria præstātes, quibus propter  
excellentem virtutis opinionem aqua & igni interdictum  
fuit? Infinitum esset si vellem persequi quam fuerit seper  
vulgitemeritas optimis viris infesta. Nescio enim quomodo  
semper homines animo magno, splendidoque ingenio præediti  
populo suspecti, & iniurisi fuere. Quanuis igitur necessitate  
compulsa multitudo omnes imperij opes ad egregios viros

## DE GLORIA.

deferat, ubi primum eorum uirtute fuerit singulare aliquod beneficium consecuta, extinguit continuo beneficij memoria inuidiae magnitudo. Et ita fit ut eos quorū opera & consilio patriam atque fortunas retinet, & patria & fortunis omnibus extrudat: & illis pestem inferat, a quibus conseruata est. Cum igitur constet omnem populum esse amentem & ingratum, nefarijsque sceleribus astrictum, quid tandem laudare poterit, quod sit a vera virtute, & honestate profectum. Hic ego interpellans, o hominem, inquam, minime popularem, Sic enim acriter in causam plebis inuestitus es, ut ualde verendum sit, ne quid hinc emanet, quod in te plebis animos accendat. Quantum enim video, sic uniuersum populum improbitatis. & amentiae condemnas, ut neminem a tanto numero excipias. Neminem certe, inquit ille, Non tamen velim existimes me tam censu & facultatibus, quam virtute & industria summos viros a vulgo secernere. Is enim sum qui omnes homines ingenio praestantes, & animi motus rectae rationis imperio sedantes, & omnem curam & cogitationem ad communem utilitatem conferentes, quanuis inopes sint, & obscuris parentibus orti, in principum numero habendos censem. Contra vero qui hebeti ingenio sunt, & langori desidiæque dediti, improbis cupiditatibus obtemperant, & publicam salutem negligentes, omnia referunt ad suam utilitatem, quanuis in amplissima familia nati sint, & res magnas administrent, plebaeos existimo. Non enim quantas opes habeant considerandū est, sed quātis dignisint. An tuillos principes & optimates appculandos

existimes, qui libidini seruiunt, & potentia abutuntur ad misericordum hominum calamitatem: patrimoniumque suum contra ius, & fas amplificando, & plebi gravissimas iniurias inferendo patriæ statum nefarie labefactant? Si enim vetera memoria repetamus, intelligemus, profecto hoc fuisse placuisse in omni Rep: paucis propositum, ut paulatim omnes possessionibus suis iniuria pellerent, & in omnium fortunis impune dominarentur. Cum autem ipsi sibi omnia possiderent, plebs omnibus bonis sfociata esset, nihil mali cogitari potest, quod non esset in populi calamitate. Fit enim plerunque, ut amplissimam pecuniam insolentia, atque fastidiū, egestatem uero præceps audacia consequatur. Ita igitur euenit, ut & opulentī superbe imperando, & egentes in nobilium fortunas imperium faciendo, & rurique patriam turbulenta seditione conuellant. Ergo cum omnis populus in principes & plebem infimam distributus sit, & viraque pars magnis sceleribus inquinata, & hostili odio imbuita, semper in alterius perniciem incitetur, quid tandem boni erit ab universo sperandū? Est enim in plebe temeritas, furor, audacia cum incredibili studio nouitatis: in ipsis autem qui principes appellantur superbia, immanitas, cum immoderata dominii cupiditate coniuncta. Quibus uiris omnia tandem concidant opus est. Illud autem magno argumento est, nullum esse tam improbum facinus, quod non auctore, & apprehensori populo concipi posse, quod quotidie videmus eos qui publicum orium importunitate sua perurbant, & omnia diuina & humana iura violant, ut viros fortes, & farri & studio

## DE GLORIA.

sos mirificis laudibus extolli. Quid enim persequer ea sce-  
lera quae in turba, & seditione ciuili cum magna laude con-  
cipiuntur? Quid autem postquam discordia, sanguine im-  
buta ciuium animos diuturna cædis consuetudine reddit im-  
manes, & efferatos? Neque enim solum laudantur ære  
alieno oppressi, cum suis creditotibus necem afferunt: Verū  
etiam qui propinquos, & amicos interimunt. Nullam enim  
apud eos vim tunc habet naturæ lex: nullam possidet religio  
nem sanguinis communio: nullam sanctitatem retinet ami-  
citia, sed potius omnia gentium iura inaudito scelere, &  
audacia violantur. Qui autem plura facinora immanitatis  
ediderint & audacius fidem iurejurando firmatam fefel-  
lerint, astutiusque aduersarios nihil hostile propter fidem in-  
terpositam metuentes insidijs oppresserint, amplioribus lau-  
dibus afficiuntur. Neque enim malitia ullum dedecus  
illis imprimit: imo res alias ab illis gestas exornat. Inde fit  
ut plerunque malint homines se in improbitate callidos, quā  
in innocentia parum astutos existimari. In nomine enim sim-  
plicis bonitatis erubescunt: & in fama maliciose peruersita-  
ris in solenter efferuntur. Ac utinam vetera tantum exem-  
pla, quæ a græcis & latinis accepimus in medium adducere  
licuisset. Sed recens memoria tam multa nobis suppeditat,  
ut antiqua reticenda videantur. Quid enim (ut de hac  
potissimum regione loquamur) mali fingipotest quod Ita-  
lia in his seditionibus longinquitate temporis inueteratis  
non viderit? Multi enim fuere, qui fratres, atque propinquos  
necarent: qui tempora religiosi: si me chli a ciuium cæde funes

tarent, arasque sartissimas sanguine suorum aspergerent  
Multos etiam legimus contra fidem interpositam a infame, aut  
inaudito suppicio a ciuibus suis interfectos. Omnia denique  
facinora suscipi videntur, quae semper in omni etate a multi-  
tudine furente suscepuntur, quae pestem exitium rebus  
omnibus inferre solent. Quae enim gens est, quae non  
huiusmodi sceleribus diuisa, funditus interierit? Cum ita  
que omnia migra imperia, vel externis bellis, vel intestina  
seditione corruerint, longe plures fuerint ciuili discordia,  
quam hostium armis excisa. Hic populorum furor Athene-  
niensium imperium delevit. Hic Spartam, & Thebas  
atruxit. Hic Romanum, & omnes denique nationes imperio  
florentes extinxit. Videlis hanc discordiarum flammam  
inter Christianos principes excitatam, quae non solum mi-  
seris Pannonicis reliquis, sed Germanicis, Gallis, Italicis,  
Hispanicis, toti denique Europae deslagrationem minatur,  
quantum terrorem omnibus incutiat? At hoc tantum  
malum. tam nifarum, & crudele bellum, tantum vniuersae  
Christianae Reip. periculus scimus esse multitudinis scelere,  
& amentia conflatum. Populorum enim furie eas faces  
in Christianam Remp. immisere, quibus ni Christus Opt.  
Max. nomine suo tantum incendium restinxerit, omnia  
coflagrabunt. Cum enim singulæ ciuitates Italicas sint indu-  
as partes iāinde a Frederici secundi reporibus diuisæ, & inter  
se hostili odio dissidentes: fit sæpen numero, ut qui viribus in-  
feriores sunt, dum aduersarios vlcisci possint, nullo modo  
recusent exterarum gentium dominatum. Tantaque est

LIBER PRIMVS.

hominum dementia, ut cum patriam aliarum nationum imperio, atque libidini prodiderint, existiment suam dignitatem esse praeclarissime constitutam. Omne nanque dignitatis ornamentum ponunt in ciubus alterius factionis euentur. Hic furor Italiæ populos incitauit, ut primū Germanos, deinde Gallos, postremo Hispanos ad Italiae dominationem euocarent, & florentissimæ orbis parti vastitatem, & exitium inferrent: & odium tandem inter duos summos principes excitarent, qui de Italiæ possessione dimicantes, usque eo progressi sunt, ut eorum contentio cædem in gente & Christiani nominis interitum moliri videatur. Hostes enim nostri satis acres, atque parati ad nostram perniciem accedunt, magis amentiae nostræ, quam viribus suis confidentes. Nunc igitur magna belli contetione Pannoniæ reliquias aggressi, haud mediocrem cladem gentibus illis intulerunt, & bonam Pannoniæ partem ferro, & flamma populati sunt. Qui nisi diuino numine, ut spero, fuerint repressi, in quæcunque regionem armorum impetum pertulerint, omnia delebunt. CHRISTE sancte, qui summa cœli templo diuina maiestate completes, Christiano, quæcum sanguine tuo in luce & libertatem vindicasti, clementer ignosce, eumque ab ista malorum tempestate defende: iramque tuam in hostes tui nominis aliquando conuerte. Diuina siquidem ope, diuinoque consilio opus est, ad tantam pestem arcendam, quando humano consilio depelli non potest. Confido equidem fore, ut hæc mala impetu furentis multitudo mis excitata, virinuictissimus Cæsar confirmatus Christi auxilio propulset. Peri-

culit tamen quod nobis intenditur magnitudo nullis verbis explicari potest. Causa vero huius impudentis mali non aliunde, quam a furore partium nata est. Ipsae enim non contentæ cæde & sanguine ciuium quo sapienter leuisimis de causis urbes replebant, coplures etiam reges ad discordiam solicitaerunt: & omnia periclitatae sunt, quo tandem non modo patriam perderent: sed etiam uniuersam Christianam Remp. in extremum discrimen adduceret. Nunc igitur quemadmodum præclarí artifices operibus suis delectantur, ita videmus huius tanti sceleris principes, & authores, erectos & alacres expectatione rerum nouarum volitare. Nec enim solum exules, & ære alieno oppressos, qui nisi patria extincta, se incolument retinere non posse credunt, sed alios etiam videmus, quibus licuisset otio honesto frui, ex hoc tanto ruinæ periculo capere voluptatem. Nunc enim spem concipiunt fore, ut aduersarios vlciscantur: ut impune latrocinentur: ut opes suas per summum scelus amplifcent. Sic autem stulti sunt, ut non intelligant, fieri non posse, ut in uniuersa Reip. ruina, salutem suam incolument a communicalamitate conseruet. Quod minime mirandum est. Nunquam enim fuit consilium in populo, nunquam certa, & constans vita ratio: sed immanis audacia, atque temeritas, cum omni flagitorum genere coniuncta. Hic Metellus interpellans, sunt, inquit, ista Augustine. Multa enim imperia populari amentia conciderunt. Non tamen recte videris facere, si propter aliquam tempestatem Rebus p. incidentem, quæ tamen nec in omnilioco, neque semper excitari

## DE GLORIA.

solet, omnem populum in crimen voces. Nam illæ ipsæ Resp. quæ scelere intestino corruere, nunquam ad aliquem gradū amplitudinis peruenissent, nisi fuissent aliquo tempore bene constitutæ, publicæque incolumitatis amantes: Et in hac tanta rerum onium perturbatione videmus multas nationes paci, Et otio studentes. Ad hæc August. Falleris, inquit o Metelle, si non credis omnem multitudinem isdem esse flagitijs coopertam, sed id minus apparere, quandiu est seueritate legum, atque metu iudiciorum illigata. Fuit enim rebus humanis hoc cœlesti legum munere consultum: quod quidem præstat, ut aliquando metu comprimatur audacia, Et innocentia sine cura sit. Fit enim ut dum singuli supplicia metuunt, sese facilius vniuersi contineant. Attamen quemadmodum bestiam immanem, quanuis eo tempore quo vinculis constricta est, minime noceat, non ob id cicurem atque mansuetam appellamus, quia venit nobis in mentem quætas strages ederet, si fuisset illis vinculis emissa: sic etiā cum intelligamus omnem populum non sponte sua, sed legū minis, quasi quoddā animal ferum Et indomitum alligari: debemus cogitare quid ficeret, si claris tristis illis evolare potuisset. Atque id ipsum magnum argumentum est, multitudinem agrestem, atque feram esse, quod nulla ratione potest, nisi legum metu septa sit, vitæ officia tueri. Leges enim non sunt graubus, Et honestis hominibus, sed leuib. Et flagitiosis impositæ. Ridiculum enim est ijs dare leges qui florēt opibus sapietiae, Et spōte sua in maximarū virtutū studia incumbunt. Non igitur castis, Et integris, sed impu-

ris, & omni generetur pitidinis inquinatis scriptæ sunt, ut petulantiam, auaritiam, & reliquas animi labes vi, aut metu constringant, & indomitatae cupiditates supplicij formidine refrenent. Cum ergo manifestum sit, nullum unquam populum in officio contineri potuisse, nisi fuisset legum seueritate deuinctus, easque constet, amentia, & furoris cœcordi gratia inuentas esse, qui possumus de furore & amētia populi dubitare? Qui quidem etiam cum est omnibus iuris vinculis impeditus, dat magnam significationem immanitatis, motusque ratione vacuos, atque turbulentos requirit: & cum primum vires colligit, omnia repagula iuris effringit. Omnes enim id conantur, ut in eum statim perueniant aliquando, in quo possint impune quævis maleficia committere. Quandiu igitur inopes, & imbecilles sunt, metu iudiciorum flagitio reuocantur. Non tamen semper Multi enim quamuis sint omni rerum praesidio destituti, quietem pati non possunt, & tetra, & immania facinora moliuntur. Nam cum animus ardet pecuniae cupiditate, aut inflamatur libidine, aut preceps odio, & iracundia fertur, & ad terrorem legis obdurescit, nullum est tantum flagitium quod non quiuis concipere audeat. Fit enim ut primum nefaria cupiditas ad facinus impellat: deinde s̄tē cœlandi, & occultandi animum audacia confirmet. Est autē verisimile leges ab initio non nimis aspera suppicia sceleri statuisse. Sed cum intelligerent reip. moderatores, maiorem vim habere spem utilitatis ad cupiavitatem inflammandam, quam pœna metum ad restinguendam, addebant semper

dy

## DE GLORIA

aliquid ad animaduersiōnis seueritatem, ut aliqua tandem ratione vitia comprimerent, donec per omnia supplicia paulatim ad mortem deuentum est, qua omnem atrocitatem poenae complexi sunt. Nihil est enim multitudini ipsa morte terribilis. Attamen tam effrenata cupiditate plerunque concitatur, ut neque morte proposita, a scelere refrenari possit. Fieri enim nequit, ut libido ad potius temere incitata minus ullis contineridi valeat. Erupat enim aliquando necesse est: Et omnia officia Vitae peruerat. Quam cupiant autem omnes populi e iuris, atque legum custodia emitti, facile ex eo perspicitur, quod ut quisque maxime sibi populum conciliare vult, ita maxime leges omnes paulo seuerius nefariam libidinem resecantes, abrogare contedit. Hac enim via multi opes, et gloriam quæsiere, atque ut publicæ libertatis custodes, omnium sermone laudari sunt: cum interim sapientes, et acuti homines ad insidias praecuendas, qui istis aduersabantur, salutare magis quam iucundum consilium in medium afferentes, ut communis utilitatis euersores de medio tollerentur. Ut enim qui febri vehementius afflantur, infesti sunt medicis, remedia salutaria quidem, acerba tamen adhibentibus: illos autem diligunt, qui gelidam, aut quiduis aliud suppeditant, quo febris aestus aliqua ex parte releuatus postea magis ingravescat: sic populus animo semper æger, illis inimicus est, qui salutari seueritate Remp. sanare cupiunt: Et eos amplexatur, qui populum uniuersum specie utilitatis illectum, sint intra breve tempus omnibus bonis euersuri. Eos enim qui non recta et

salutaria, sed grata, atque perniciosa suadebant, ut Reip. tutores, atque parentes contra opes diuersa sentientium præsidus publicis armabat, atque tandem in omnium dominatione constituebat. Ita igitur, eueniebat, ut immodica libertatis cupiditate libertatem penitus amittiteret. Illi enim qui populi dementia eum gradū honoris assequebantur, omnibus qui vel animi magnitudine, vel sapientia præstabant, vel necem, vel exilium inferebant. Cum igitur ita Remp. propagatoribus omnino spoliaffent, sine ullo metu crudeli dominatu populum qui eos aluerat opprimebant. Quid est autem quæso in terris tyrannide tetrius? quid odio maiore dignius? quid iuri humanæ societatis infestius? At omnes ferme tyrannos accepimus dementia, & scelere multitudinis natos esse, eiusque præsidio potentiam corroborasse. Nec enim, ut antiquissima commemorem, Orthagoras Sicyonius alia sibi viam ad tyrannidem muniuit: nec alijs artibus Cypselus Corinthum occupauit: nec Pygistratus alia ratione Athenarum potitus est. Quid hic referam Gelonem, Alexandrum, Phalarim, aliosque innumerabiles non solum in illa antiquitate, sed patrum etiam nostrorum memoria tyrannos insignes, quos omnes constat populares extitisse, & populorum amentia eas opes comparasse? Si laudari potest tyrannus, laudate populum, qui tyrannos gignere, & alere solitus semper est. Quod si tyranni detestabiles & execrandi sunt, quis populi temeritatē non execrabitur, quæ tam immania, & importuna monstra in humanarum rerum perniciem extulerit? Quamuis igitur, ut eoreuen-

*DE GLORIA.*

ramur, unde digressi sumus, aliquis populus aliquo tempore  
sedatus, & quietus esse videatur, non quid tunc non agat  
animaduertendum est: sed quae sit eius vis, quae mens, quae  
opinio, quae voluntas, quid efficeret, si fuisset legum custodia  
liberatus: quam sit infestus bonis, atque sapientibus:  
quam facilis, atque benignus imprecbis: quanta  
postremo detrimenta communibus rebus

**¶¶**

amentia multitudinis  
inecta, & im-  
portata sint.

**¶¶**

**¶¶**

**¶¶**

**¶¶**

DE GLORIA LIBER SE  
CVNDVS.

83



XTAT Q VEREL AGR  
uiſſima ſolonis elegantissimis ver  
ſibus conſcripta, quibus deplorat  
ſuorum ciuium iſtaniam, & cupi  
ditatem, qua quidem aſerit, emnes  
Atticas opes confici, atque coſumi.

Nondum opes Afſiæ luxuriam in Græcorum mores mue  
xerant, quæ homines effœminarent, omnesque virtutis ner  
uos incidenterent: cum iam animaduerteret vir ſapientiſſimus  
omnem populi impetum ad interitum ſpectare. Cum enim  
videret potentium iſolentiam, & perditionum hominum  
egeſtatem, timebat ea mala, quæ vel propter eximias opes,  
vel propter extremam inopiam excitari ſolent: Nempe stu  
pra, adulteria, intoleranda conuitia, furtæ, latrocinia, ſacri  
legia: deinde ſeditiones, proditiones, clandestina cum hostibus  
colloquia, atque tandem patriæ totius exerciſione, quæ omnia  
ſolent omnibus populis accidere. Quod ut melius intelliga  
mus, inſpiciamus a capite aliquam Remp. rerum geſtarum  
gloria florentiſſimam, qualis extiterit eo iam tempore, quo  
ſeuere discipline fundata eſſe videbatur. Fuit ne populus  
vnquam populo Romano aut prudentiæ opinione grauior,  
aut rebus geſtis illuſtrior? Non prorsus. Ponite nunc ante  
oculos ſingulas Romanorum aetas, & ea ſcelera quæ tem

## DE GLORIA.

poribus illius Reip. castis, & integris concepta fuerunt, in memoriam reuocate, ut melius de omni populo iudicare possitis. Ut enim facinora regum ætate nefarie suscepta præterea, post exactos reges, populus in duas continuo partes distractus ab externis bellis ad intestinam seditionem conuersus est. Principes enim id propositum habebant, ut plebi libertatem & fortunas eriperent. Publica itaque bona domum auertendo, & priuatos homines suis exturbando, in potestatem suam omnia redigebant. Plebs iracundia furens ad nobilitatis imperium excidendum inuidiæ etiam stimulis concitata ferebatur. Alteri igitur eos, quorum tutores esse debebant, iniurijs grauissimis onerabant: Alteri in illos in quorum tutela erant omnes opes Reip. impetum faciebant. Interim potentium hominū cupiditas omnes possessiones usurpabat: fœneratorū immanitas ciues in neruo deuincētos contume lijs atque verberibus conficiebat: multitudo tribunitijs furoribus agitata, omne imperiū aspernabatur, vimque sumis magistratibus inferebat: clandestini, nocturnique cœtus, & occultæ ciuium coniurationes interitum Reip. denunciabant. Quid referam illas in sanæ plebis secessiones, illam nobilitatis in opprimenda plebe contumaciam, illam temeritatem plebis ad affligendam publico consilij grauitatē instructā & armatā, illā postremo odij acerbitatē contra populi cōmoda in principiū animis insitam, & penitus inhærentem? Iam in legibus rogandis, aut abrogandis, in tribunorū intercessi onibus, in obnunciationibus augurum, quantæ turbæ com motæ, quantæ cædes etiam interdum factæ? Pauci enim

erant, qui ratone aliqua ducti communi utilitat i consuleret: multi qui omnia infima summis paria facerent, turbarent, atque commiscerent. Tantum itaque malum erat populi scelere conflatum, ut bellum quantumvis magnum, atque periculose esset sanis eiibus optabile, & expetendum. Nec enim alia ratione poterant discordiae sedari, nisi communis periculi metus animos otio dissidentes ad communem malum depellendum coniungeret. Haec erat illa prisca Romanorum disciplina: hoc illud Reip. decus, & ornamenum: hi denique ciuitatis illius sancti, & incorrupti mores. Non hic dispiuto de immensa luxuria, & auaritia, & reliquis pestibus, quae post imperium latissime propagatum, & otium terra, atque mari constitutum incubuerunt ad nominis Romani perniciem. De illa etate incorrupta priscorum hominum loquor omnium Græcorum, atque Latinorum scriptis illustrata. Quod si nullus unquam populus habitus est Romano præstantior: isque vel eo tempore, quo magis excellere videbatur omnibus virtutis & industrie laudibus, fuit infinitis sceleribus inquinatus: quid de reliquis omnibus existimandum est, qui omnia studia uitæ in turpem quæstum, & effrenatam libidinem contulere? Vera est igitur & sapientia eorum sententia, qui a procuratione populi, tanquam a navigatione maris scopulos, & infestis fugere præcipiunt. Non immerito itaque Demosthenes cum Athenis exularet, & ciuitatis arcem respiceret, flens exclamabat. O Minerua, dicens, quid tibi venit in mentem tribus feris importunissimis delectari non-Etua, dracone, & populo? His quidem verbis ille vir eloquens

tissimus non modo grauiter, ut debuit, in populum inuectus est, sed eius etiam naturam, & ingenium sapienter explicavit: eum cum noctua, atque serpente coniungens. Nulla enim noctua sic luce solis, ut multitudo splendore virtutis offenditur. Nullus draco tam vastus & immanis est, qui sit conferendus cum feritate populi multiplici lapsu, & impetu furente omnia peruertentis. Ergo cum hominum opiniones cum eorum moribus & vita consentiant, ita ut id solum laudent, quod institutis suis conuenire viderint: constetque omnem populum esse magnis furoris & amentiae stimulis agitatum, atque virtutis ipsius inimicum: erit quisquam tam sine mente, qui dignitatem aliquam in illius opinione positam existimet? qui tam feri & indomiti animalis motus obseruet? Qui multitudinem cæcam, & amentem sibi magistram vitæ constituat? qui denique ad illius infinitam libidinem actiones administret? quid enim est amentius, quam tam varias & inanes hominum opiniones intueri? quid difficilius, quam tam contrarijs, & inter se repugnantibus studijs, & cupiditatibus obtemperare? quid denique miserius, quam popularis offensionis metu dies atque noctes exanimari? Est enim primum libertas abiicienda, sine qua vera dignitas, quæ tota est in virtute posita, ne intelligi quidem potest. Virtus enim non in populi opinionem, sed in se ipsam intuetur: nec leges accipit, sed potius imponit: nec ullis malis frangi potest, sed est ab omni malorum impetu seper invicta. Fit itaque ut dum miseri homines dignitatis specie capti gloriam consequantur, omnia ornamenta. Veræ digni-

tatis amittat. Deinde quid absurdius quam honestatis iudicium  
comitti iudicibus in honestissimis, atque totius virtutis ignariis? Seper enim cum de re aliqua questio exoritur, requiri-  
mus indices qui sunt eius rei, quae vocatur in dubium, scientif-  
simi. Si de philosophia certamen est, sumos philosophos stu-  
diose consulimus. Si controuersia aliqua iuris incidit, eorum  
sequimur autoritatē, qui optimi iure consulti numerātur.  
Si de rebus ad artē musicam pertinetibus ambigimus, ad  
eorum examen, qui sunt in musicis valde exercitati omnia  
perpendimus. Neque id solū facimus in artibus ingenuis, sed  
in sordidis etiam, ut ad iudicium artificum excellentium omnia  
referamus. Nihil enim arbitramur indignius, quam velle ali-  
quem de re cuius vim penitus ignorat, ferre sententiam. Si  
igitur in omni cōtentione eorum insolentiā, qui iudicant de  
rebus, quas nunquam cognitione attigerunt, intolerandā cen-  
semus: qui cōuenit existimationē multitudinis virtutis ex-  
pertis signare, in virtutis iudicio magnificere? Quid? In  
artibus leuissimis iudicium imperiorū audaciā dānamus: Rei  
vero omnium maxima atque pulcherrima iudicium populari  
ametiae cōmitremus? Non quid pauci sapientes, sed quid vul-  
gus īperitū statuat intuebimur? Quos singulos ut leues,  
insanos contēnimus, us uniuersis tantū authoritatis tri-  
buemus, ut eorum opinione a turpibus honesta distinguamus?  
quid illud? quātū mali est? Nemo enī potest ab omnibus lauda-  
ri, nisi sit iucundus uniuersis. Nemo autē potest id asequi,  
nisi seipsum usdem sceleribus astringat, quibus uniuer-  
sam multitudinem infectam esse videt. Nihil est enim

aptius ad amorem conciliandum, quam studiorum similitudine. Est igitur illi necesse qui diligi cupit, ut incat rationem qua populi cupiditati satis faciat. Ita efficitur, ut qui gloriae seruiunt, non modo sint humiles, & amentes, verum etiam scelerati. Nam populari temeritati ita addictum esse quaepiam ut nihil moliri audeat, quod intellexerit non fore populo incursum, est extremæ cuiusdam humilitatis: honestatis autem iudicium ad multitudinis arbitrium deferre, singularis simul titiæ: Indomitæ vero populi cupiditatibus obtemperare, sceleris immanissimi. Est igitur illorū humilitas contemnenda, & levitas irridenda, & improbitas execranda. Illud autem est valde odiosum, quod ut quisque maximo animo præditus est, ita maxime opinionis errore gloriam auncupatur: ea que de causa omnia uitæ consilia ad populi voluntatem alliciendam dirigit. Nec enim potest aliter clarus esse, & sumos honores adipisci, nisi popularis existat. Popularis autem ille est, qui nihil omnino nec dicit, nec facit, quod populo ingratum fore cognouerit. Cum igitur is qui valet industria, & ad omnem disciplinam docilis est, animum suum ad studium multitudinis adiungit, tetra facinora suscipiet. Quod si solum hebetes, & tardi animi raperentur in istum errorem, non tantum damni fieret. Nam neque si se studio sapientiae discant, valde proficere potuissent: neque ex eorum erratis tam multa detimenta fuissent rebus communibus imperata. Cum autem homines florentes ingenio sic vitam instituunt, ut morem populo gerendum existiment, duplex malum est. Nam & seipso priuant illo amplissimo virtutem

tis fructu, quem perciperent, si studia sapientiae coluissent:  
Et multo grauiora mala possunt ciuibus suis excellenti industria machinari. Præstans enim naturæ vis perinde est,  
atque sunt iij mores Et disciplinæ, quibus informatur. Ut  
enim nihil est Reip. salutarius ingenio excellente, si fuerit  
honestis artibus excultum: ita nihil Reip. pestilentius esse  
potest animo maximo prauis opinionibus imbuto. Ergo qui  
populi leuitatem intuebitur, quo maiore industria fuerit, co-  
erit perniciosior. Populi enim disciplina assuefactus in oe-  
nium suum ad ea flagitia, quæ populo cordi esse uidet, diligenter exacuet: Et in ijs conficiendis inter omnes excellet: omnia  
que sumo studio declinabit, quæ populo suspecta, Et inuisa  
cognocet. Atque primum cum philosophiae studium vulgo  
spretum, atque contemptum esse videat, nunquam is erit qui  
magnam vitæ partem in studijs sapientiae consumendam  
existimet. Nunquam igitur inuestigabit, quis sit terræ situs,  
quæ forma, quæ circumscripçio, quæ maris vniuersas terras  
ambientis species, atque magnitudo: quæ fontium, Et flu-  
minum natura. , quæ disparia, atque dissimilia genera  
plantarum, Et animantium. Neque inquiret nunquam,  
quæ sit origo ventorum, quæ vis fulgurum, Et fulminum,  
vnde nocturnæ faces flammis coruscantibus, Et cometæ,  
quas vulgus esse putat malorum prænuncias, existant.  
Nunquam denique iucunditatem illam sentiet, quæ perci-  
pitur ex admirabili specie, atque pulchritudine syderum im-  
mutabili constantia certos, Et æquabiles motus in omni æta-  
te conseruantium. Neque postremo in sui ipsius cognitione

## DE GLORIA

studium ullum ponendum arbitrabitur. Quæ certe conside  
ratio illum ad summum sapientiae gradum perducere, ingentiq;  
voluptate afficere, & ad summi rerum conditoris amore incende  
re potuisset. Sic autem omnibus opibus diuinis affluens illum  
beatum statum assequeretur, qui in coelestium atq; diuinorum  
rerum cognitione consistit. Ille enim demum est beatuexisti  
mandus, cuius mens hoc diuino contemplationis gabulo, quasi  
quodam nocte, & ambrosia alitur, atq;. sustentatur. Quid  
enī aliud est Deorum interesse conuiujs, quā diuinis opibus  
sapientiae, quæ quidem sunt epulæ mentis, & cogitationis,  
abundare? Nolite enim putare doctissimos homines fictis  
fabulis nos in eum errore inducere voluisse, ut crederemus  
Tantalu aut prometheū aut aliū quēpiā a deis conuiuio splē  
dide magnificeque ornato acceptos fuisse. Sed cō existima  
ret Deorū vitam naturæ cognitione contineri: eos qui in na  
turæ peruestigatione multum operæ & studij cōsumebant,  
Deorum cōuiuas, appellauere, quod diuinis sapientiae dapibus  
aleretur. Felix enim ille habēdus est, nō qui ingenio ad quæ  
stum, & libidine abutitur, sed qui rerum potuit cognoscere  
causa. Quia quidē notitia nihil utilius aut humanæ naturæ  
conuenientius inueniri potest. Nam si natura pulchritudinē  
animus, nihil possumus cernere hac tam excellenti mudi  
specie pulchrius. Si voluptas omnes mortales allicit, nullæ  
voluptates sunt cum ijs, quæ mente, & notitia rerum capiun  
tur, illa ex parte conferendæ. Si tranquillus animi status  
est ardenter expertendus, nihil est quod maiorem vim ha  
beat, ad constantiam animi comparandam. Is enim qui

diuinarum rerum pulchritudinem amare ceperit, nunquam  
humanarum cupiditate concitatus ullum scelus admittet.  
Deinde cum sic natura comparatum sit, ut mores nostros  
ad imitationem eorum, quos assidue intuemur, effingamus:  
opus est, ut qui singulari studio in naturae coniunctione defi-  
xisunt, celi magnificentiam, constantiam, & ornatum imite-  
tur: nec aliquid in vita suscipiat, in quod aliqua humilitatis,  
aut inconstantiae, aut turpitudinis suspicio conuenire possit.  
Nam humilitati repugnat amplitudo naturae: inconstantiae  
rati & equabiles astrorum omnium cursus, totiusque cœlestis  
naturae firmitas: turpitudini vero tam magnifici operis de-  
cuss & ornamentum. Ex ijs itaque studijs præclarissimis efflo-  
rescat neesse est pietas, atque iustitia, & reliquæ virtutes,  
quibus humani animi excoluntur, atque ad diuinæ mentis  
similitudinem accedunt. His igitur tantis, tāque diuinis honesti-  
tatis fructibus, qui ex studio sapientiae constant, carebitis, qui  
gloria expetenda censem. Neesse enim est, si in vulgo co-  
medari cupit, ut seipsum ab eo studio se iungat, quod vulgo  
despiciat, atq; cōtēni perspicit. Quicquidē si multitudinis opini-  
onē despiciens, animum suum summis artibus excoluisse, et  
quā facile cōtēneret omnes istas insanias populares? Nec enī  
conuenit animum incredibili celeritate cœlum, terras, atque  
maria perlustrare aut gloriae celebritatem angustis terrae fi-  
nibus, exiguoque temporis spatio circumscriptam exquirere: aut  
ignobilitatem, ut maximum malum extimescere. Omnis  
enim gloriae splendor exiguis regionibus continetur: &  
intra breve tempus extinguitur: Et quanvis in omnes

## DE GLORIA

nationes effundi, atque in etatem longissimam propagari potuisset, illi tamen qui infinita cœlestium regionum magnitudine animo peregrinatur, & cui eternitatem considerat, nihil magnum esse potest, quod sit terræ angustis inclusum, & aliquando tandem vetustate consumendum. Omnis enim humanarum rerum memoria necesse est rāde obscuretur, & evanescat, & obliuione sempiterna deleatur. Quod si veritas ad sapientium normam dirigenda est, constatque sapientes homines gloriam paruipendere, quid causæ est, cur gloriam expectamus? Nec enim illa re clarius se sapientia solet indicare, quam gloriæ contemptu. Qui enim ambitione districti, hominum rumusculos intuentur, aperte declarant, nondum se mentis aciem in naturæ magnificen-  
tiam intendisse. Illud deinde naturæ iudicium num est parui faciendum? Omnes enim qui gloriæ causa ad res gerendas impelluntur, eam cupiditatem occultant, atque dissimulant sequē finem alium sibi proposuisse profitentur. In quo facile indicant inesse in gloriæ cupiditate insignem aliquam fœditatem. Non enim quod amplum & honestū esse statuunt, ab hominum conspectu remouendum cēsent, sed potius enituntur ut id in omnium oculis ponant, atque constituant. Cum ergo illi qui nondum sensum omnem amiserunt, gloriæ cupiditatem in hominum conuentu profiteri non audeant, nonne aperte iudicant, eam esse insigni turpitudini affinem? quod si cupiditas gloriæ turpis est, & ipsa gloria turpis labenda est. Neque enim ea res honesta ejt existimanda, cuius appetitum in honestum esse constat.

Nec mirandum est eos etiā qui omnia referunt ad nominis  
claritatem, qui populifamam ut rem omnium praeclarissi-  
mam sibi proponunt, natura admonitos setire huius insanæ  
cupiditatis turpidinem. Est enim cum pestilens, & exitio  
sa, tum insatiabilis, & infinita: nempe cuius nec ardor ullo  
modo restinguī, nec impetus illa ratione coerceri potest.  
Nec modo singulos homines amentes, & insanos efficit, sed  
uniuersam Remp. exagitat, & omnia societatis humanæ  
iura peruerit. Ex illa enim acerbissima odia, turbulentissi-  
mæ seditiones, teterrima bella nascuntur. Reliquæ deinde  
cupiditates pacem plerumque & otium expetunt, ut ijs re-  
bus potiantur, quæ in bello obtineri nequeunt: at hæc una  
quietem publicam pati non potest: nec aliud optat, quam pa-  
triæ procellam, & tempestatem, rerumque omnium confu-  
sionē. Postremo singula vitia singulis virtutibus aduersa-  
tur, ut libido temperantiae, frugalitati luxuria, liberalitati  
auaritia: at hoc unum in omnes virtutes cæco impetu incur-  
rit: omnemque splendorem decoris, & honestatis extinguit  
Atque in primis quam sit contrarium prudentiæ videamus.  
Est enim prudentia recta ratio lumen quoddam animo præ-  
ferens, quid fugiendum, aut sequendum sit, sine ullo errore  
præscribens. Hoc autem lumen, is habere non potest, qui  
multitudinem insanam, atque dementem sequitur, & in  
omni officio se se ad eius libidinem accommodat. Qui autem  
gloriæ seruiunt, ut demonstrauimus, libidini, & amentiæ  
multitudinis addicti sunt (in aura em populari dignitatē  
omnem constituunt) quare necesse est, ut in easdē tenebras

incurrat. Videmus enim eos, qui se per aliquid noui in Rep. moluntur, & quiete ciuitatis statu solicitat, magnos, atque claros existimari: qui vero bonum & aequum populi rumoribus anteponunt, in obscuritate latere. Sic enim est ames multitudo, ut turbuleros homines, perniciisque rebus communibus afferentes laudibus in caelum tollat: salutares autem ciues communipaci, & otio consulentes ne homines quide existimet. Quid autem amentius Hectore? Cum enim illum hortaretur Polydamas ne temere cum Achille cofigeret, sed reciperet se intra moenia unde hostium impetu sine ullo periculo propulsaret, consilium illud spernens, se, parates, & patriam funditus euerit. Videamus tam illum viribus suis stultissime praefidentem diuinis laudibus ab exercitu affectum: Polydamantem vero patriae sapientissime consulente indigno conuictio iactatum. Quid autem, ut fabulas omittamus, ex iis qui gloriam amant, non se malleat Annibal is quam Hannonis esse similem? cum alterum videat eximijs laudibus efferriri: alterum vix a quo piam nominari. Atqui Hannonis consilio potuisse Carthago diutissime permanere: Annibal is autem amentia omnes opes Carthaginis excise sunt. Infinitis exemplis a Graeca, & Latina historia sumptis poterit confirmari, quam sit studium gloriae prudenter aduersarium. Sed minime necesse est. Quidam enim videmus eos, qui ciues ad utilia bella sollicitant, qui temeraria, & periculosa consilia sanis & tutis anteponunt, quorum animi sunt stimulis quibusdam amentiae concitati ad facinus obrundum, in oculis cinuum esse, & ut viros acres & animosos omnium sermone celebrari: contra, vero qui

civitatis otio consulunt, & longe in posterum consilio suo  
Reip. in columitati prospiciunt, ignauos haberi. Nam ipsam  
gloriam tantopere colendam putare, quanto tandem est im-  
prudentiae, atque levitatis argumentum? Neque enim quic-  
quam fingi potest leuius, aut commutabilius populi existima-  
tione, atque uoluntate. Sæpe enim pertenui quadam suspicio-  
ne, sepe sermone non certis authoribus dissipato, non raro  
inuidia ex alicuius hominis egregij dignitate concepta, eos,  
quos antea laudibus affecerant, atrociter inseguuntur:  
corumque nomini notam nefariæ turpitudinis inurunt, quos  
paulo ante in cœlum extulerant. Cum igitur tanta sit in-  
gloria levitas, & inconstantia, is certe qui contra omnia for-  
tuna tormenta, se gloriæ præsidio præclare septum, atque  
munitum esse statuit, stultus & demens est existimandus.  
Ille tamen longe dementior, qui videns quam infirma sint  
onia egregiæ famæ propugnacula, omnia tam illius causa  
sibi facienda putat. Vt trunque igitur nimis alienum est a  
prudentis sententia, & grauitate, & ea præclara ducere,  
quæ sunt inania, & quæ sentit esse inutilia ardenti studio  
consectari. Deinde qui fieri potest, ut uir excellenti in genio  
præditus, nec solum longo rerum usu, sed omnium gentium  
monumentis instructus, qui populorum, atque regum illustri-  
um imperia, & res gestas cognoverit, & totius ætatis conse-  
quentis ordinem diuina mente prospexerit, laudem a paucis  
simis hominibus, iisque imperitissimis magno studio pe-  
tendam arbitretur? Quantula enim est ista hominum mul-  
titudo, apud quam laudari possumus, si ad omnes homines

## DE GLORIA

qui uniuersam terram incolunt, etiam ad illorum, qui fuerunt, posteaue nascentur, numerum conferatur? Fieri ergo non potest, ut uir omni prudentia cumulatus, gloriam, cum exiguis terrarum finibus circumscribatur, breui temporis spatio terminetur, postremo in levitatis opinione sita sit, non contemnat, atque despiciat. Quod si quis ista cupiditate non vacauerit, quanuis prudentiae nomen habeat, imprudentissimus est habendus. Satis enim indicat separatum instructum: Ornatum esse illis rebus, que prudentiam efficiunt, cum id appetit, quod praे illarum splendore erat valde contemnendum. Cum igitur exploratum sit gloriam sitam esse in opinione populari, que quidem seper est comes stultitiae, atque temeritatis, nihilque minus conuenire prudentis hominis grauitati, quam id appetere quod est Reip. perniciosum, sapientis amplitudine nimis indignum: nihil magis perspicuum esse potest, quam glorie cupiditatem prudentiae repugnare. Si autem cupiditas glorie, prudentiae aduersatur: prudentia virtutem omnem continet, is que studius glorie sollicitat, virtute omni carebit. Primum enim neesse est, ut humanæ societatis iura violet. Videmus enim vulgo despici simplices, apertos homines, nihil per vim, aut fraudem gerentes, sed iustitiam atque pietatem studiose colentes. Eos quāuis plerique bonos viros esse fateantur, ciues tamen nullo numero habent. Vxores autem calamitatem suam deplorant, quod datæ sint in matrimonium ignavis hominibus, quibus nec studium sit patrimonium augere, nec opes malis artibus amplificare. Serui moleste ferunt se dominos

imbellis, & nulla industria præditos habere. His autem sermonibus incitati liberi dicitant, se nulla ratione parentū vestigijs ingressuros, sed ubi primum, adoleuerint, operam datus, ut in Rep. dominentur. Nihil est igitur ad opinionē multitudinis humilius innocentia: nempe quam contemnunt ciues, execrantur uxores, servi despiciunt, liberis summa contentionē fugiendam censem. Omnes enim existimant eos qui leges sanctas habent, & aequitate omnia metiuntur, non consilio, sed imbecillitate ab iniuria abstinere: & eum qui impunitate proposita non contendit, ut per scelus etiam nefarium, ad summum honoris gradum ascendar, hominem abiecati animi, aut amentem iudicant. Hanc igitur unam rationem augendi nominis, & gloriae comparandæ plerique putant, quæ in vi, & audacia consistit. Dum enim vident eos qui leges obseruant, a multitudine contemni, non modo ciuilia iura, sed illud etiam ius naturæ lege sancitum, incredibili audacia conculcant. Neque enim possunt illum statu assequi, quem sibi proponunt quandiu æquo iure cum ciuibus suis contenti fuerint. Quantum igitur in illis est, ea omnia conuellunt, quæ cupiditati suæ obstat. Vident, nempe leges, iudicia, consilium publicum, & omnem denique constitutæ Rep. rationem. Quid enim attinet hic commemorare, quātā cladem rebus Romanis inuexerit, ut alios innumerabiles omitrā, imperatorum gloria? quantam cædem, incendium, vastitatem orbis terrarum intulerit? quantas furor hic immanis in omnibus regnis, & imperiosis populis strages ediderit? Sunt enim hæc adeo perspicua, ut oratione nullius in-

digeant. Nec per se solum est ambitio, & laudis effrenata  
libido pestilens, & exitiosa, Sed auaritiam & s. miles rerū  
humanarum pestes effundit. Qui enim principes esse cupi-  
unt, omnes auaritia immani sunt. Partim enim existimat  
valde pertinere ad dignitatis amplitudinem splendidi cultus  
elegantiam: partim ad gratificandi voluntatem, & multi-  
tudinem infinita largitione deliniendam, opes sumo studio  
comparandas esse ducunt. Omnes itaque qui nominis clari-  
tatem amant, ita pecuniae student, ut eam omnibus rectis ar-  
tibus antefonant. Qui quidem si in gloria inesse aliquod  
bonum atque natura cxpendum, cum alienum appeterent  
& iura violarent, potuissent se non in honesta ratione defen-  
dere. Hic ego ridens, te quidem, inquam, eorum causā agē  
tem sane libenter audirem. Non quod diffidam posse te, mo-  
do velis, omnia crima quantumuis tetra & capitalia di-  
luere. Est enim ingeniosi iurisconsulti perditā litem, omniq;  
iuris præsidio destitutā superiorē efficere, & ad clietis utili-  
tate leges önes interpretari. Quanvis igitur non dubite te  
facile posse facinorosos homines, criminè omni liberare, cupio  
tamē acumen istud ex artificio vestro de promptum propius  
intueri. Oblitus ne es, inquit ille, me hodie iurisconsulti perso-  
nam deposuisse? Non est igitur cur tibi insidias fieri suspic-  
ris. Omnem namque artem qua ut inquis, causas e manibus  
aduersariorum cum volumus extorquemus, a nostra dis-  
putatione remouebo. Alibi igitur cense o tibi caueas. Hic enī  
nihil erit veteratoriu, aut malitiose cōparatū ad fraudem  
inferēdā. Vere itaque & si mplici animo patrociniū eoru

fusci perem, qui laudis cupiditate contra ius' opes suis amplif-  
cant, si constaret gloria ēsse rem p̄æclarā, & expetendā.  
Non tamen, ne tu fortasse mihi succenseas, illos defendā si  
ad me supplices accedant. Ipsi pro se causā dicent. Finge  
igitur sic tecum loqui homines claros, honoris, & laudis ap-  
petentes. Nos, inquit, y certe sumus qui omnia vitæ consi-  
lia ad gloriā & honore referamus: ignobilitatē & humili-  
tate in extremis malis numeremus: & nihil ēsse ducamus  
p̄æclarū, & excellens, nisi quod ad famæ celebritatē diri-  
gatur. Quocirca nullum labore fugere, nullum periculum  
recusare in hoc studio debemus: Nec nobis indignū aliquid  
putare, quod nos ab obscuritate vindicet in hominum lucem  
& claritatem. Neque enim ullum tantū malum opinione  
nostra fingi potest, quod sit cū obscuritate, & cōteptualiqua  
ex parte conferendū. Posses ne tu qui gloriā laudas tā hone-  
stū orationis principiū vituperare? Minime inquam. Nūc  
igitur, inquit, attēde qua ratione, hoc iacto fundamēto, defe-  
sionē instituerent. Cū igitur, inquiet, omnia ad nominis apli-  
itudinē dirigamus, cōfertaneū est, vt ea studia persequamur,  
quæ gloriā pariūt: ea vero deseramus, quæ apud önes impro-  
bātur. Videmus autē homines iustitiā & aequitatē obserua-  
tes propter inopia vulgo cōtēni: eos autem qui opibus abūdāt  
quāuis iniustissimi sint erēctos & alacres, magnoque fa-  
mularū atcedētiū, atque sequētiū turba cōstipatos incede-  
re. Hi ad Reip. cōsiliū adhibētur: illis honores deferūtur: eos  
önes mortales intuentur: cū ob vitæ magnificētiā, tū quia  
sperāt eos tantum posse publicā salutē atque dignitatem

rueri, quibus amplissimæ fortunæ fuerint. Quantum autem instrumentum in pecunia sit ad dignitatem, non solum vitæ communis exemplis, sed etiam prudentissimorum hominum authoritate facile confirmari potest. Illi enim primi urbium conditores, atque rectores, qui sempiternæ memorie cōmemorati sunt, sic initio statuerunt, ut tantum loci quisque haberet in ciuitate, quantum illi pecuniarum esset. Cēsibus enim constitutis, omnique populo in certas classes pro ratione pecuniae distributo, penes eosdem honores summi fuere, qui summis opibus affluebant. Ita igitur factum est, ut egentibus a Reip. moderatione deiectis, diuites atque beati res communes administrarent. Hic autem mos omnium gentium consensu confirmatus est. Quare Hispaniae tuae monte menta, & reperies Hispaniae primores diaites homines appellatos fuisse. Sic enim passim legimus, reges quoties de rebus ad Reip. summam pertinentibus consultare voluerent, diaites homines euocasse, ut eorum ope & consilio vel bellū, vel pacem facerent. nomine autem diuitum satis constat principes intelligi, qui quidem ut ex nomine apparet, non tantum virtute, & industria, quam opibus & facultatibus ad illum principem locum ascenderunt, & nobilem stirpes in multa secula propagarunt. Haec cum ornatius, & copiosius explicaret, tum illam nobilitatis civilis rationem, a te duobus libris constitutam euerterent, ostendentes, quam parum sit firmata roburis in virtute, ad posteritatem nobilitandam, nisi opes adhibeas, quae sole complures familias illustres, & nobiles effecerunt. Id autem demonstrarent in singulis nobis

lium familij, perspicuum facientes, eas omnes ex opibus, singulari diligentia partis, originem duxisse: atque tantisper dignitatem retenturas, dum, in columnes fortunae permāserint. Hac igitur cum verbis illustribus, & acutis sententijs disseruisse, tum ita fortasse concluderent. Ergo cum tāta momenta sint in diuitijs ad gloriam comparandam, cum omnes aditus ad honores, ad imperia, ad generis nobilitatem, qui sunt sēpē numero virtutibus interclusi, magnitudini pecuniarum aperti sint: & nos vitam sine dignitate mortis instar putemus, possimusne pecuniam aliqua ratione contēnere? Non prorsus, inquiet. Aut enim diuitiae nobis omni studio quærendae sunt, ad nominis claritatem, aut gloriae studium omnino deferendum. Nihil est enim gloria sumptuosius, quam vel minima illiberalitatis suspicio frequenter obscurat. Sunt enim in vita cultu immanes quidam, sumptus faciendi: sunt hospitibus coniuicia splendide, atque magnifice comparanda: est amplissima familia semper alēda: sunt multi mortales munera bus alliciendi: sunt postremo multa ad vniuersi populi voluptatem atque plausum referēda. Qui autem existimat se iuris & equitati obtemperando, hostantes & tam multis in locis sumptus facere posse, est omni sensuum auxilio destitutus, atque vita communis ignarus. Qui enim iustitia par esse voluerit, nunquā opibus & potentia superior esse poterit. Est igitur necesse si velimus illorum vestigijs insistere, qui nomen suum immortali cōsacraverūt, qualis fuit C. Cæsar, & Gn. Pompeius & alijs huius generis inumerabiles factis illustres, & uitæ

## DE GLORIA

splendore magnifici, ut multa contra iuris præscripta molia-  
mur: ut prædam ex priuatorū bonis faciamus: ut publica de-  
peculemur: ut nullam occasionē patrimonij contra fas augē-  
di prætermittamus. Neque est cur nos illa iuris ratio per-  
turbet. Si enim esset aliqua constans & certa iuris descrip-  
tio, non tanta esset contentio armorum, propter controuersiā  
iuris excitata. Omnes enim qui sumunt arma, ius suum per-  
sequi dicunt: eiusdemque defensio partem utramque ad hos-  
tilem dissensionem sollicitat. Unde facile apparet, cum reli-  
qua omnia sint dubia & controuersa, hoc unum ius certum  
esse, communique gentium more comprobatum, ut legum  
æquabilitas locum tantum habeat in ijs, qui fortuna sunt &  
conditione pares. Qui vero potentia præstant, omnia quæ  
viribus occupare poterunt obtineant: illisque cedant imbecil-  
liores, & ita tandem omnia ad eos qui sunt in loco summo  
collocati, deferantur. Pareant igitur isti legibus qui imbecil-  
lo animo sunt, vitamque in humilitate ducere, & contume-  
liam pati possunt. Nobis vero qui propter altitudinem ani-  
minihil unquam abiectum, & humile cogitauimus, indignū  
est, illa legū formidine conturbari. quid? Nos cum ad decus  
nati, & instituti simus, & ad excellentem gloriae formam  
amplectendam ardenter incitati, cum tantum opibus atque  
dignitate valeamus, æquo iure cum infima plebe viuemus?  
Et eadem iuris societate deuincliti cum ijs erimus, quos tanto  
intervallo superamus? Et æquo animo cum abiecta, & con-  
tempta multitudine commercium iuris habebimus? Non  
profecto illa conditione tantam indignitatem patiemur.

Omnia potius iura violabimus, & universæ patriæ statū cō  
uellemus, quā tātū dedecus admittamus. Hæc si dicerent  
homines clari, atque nobiles, venit ne tibi in mētē, quānaā ora  
tione posses eorū sentētiā refutare, præsertim cū demonstra  
rēt, se eorū exēplū sequi, qui sēpiternæ memoriae propter fac  
torū excellentiā cōmēdati sunt. Nō tā cito inquā. Nec enī  
facile est dicere cōtra homines, non modo potētes, verū etiā  
acres, atq; ad dicēdū paratos, nisi sumpto prius spatio ad cō  
firmationē animi, atq; diligētiss. mā cōmētationē. Hic Me  
tellus, quā diserti inquit, s̄nt nescio, hoc vnum scio, illorum  
orationem ad tyrannidem spectare. Fieri enim non potest,  
quin ea animi furentis elatio patriam opprimat, ubi primū  
vires nacta fuerit. Verū id quidē est, inquit Augustinus.  
Attamen id mili facile probant, non posse eos clarū in rep.  
nomē adipisci, qui iustitiā colunt, suntq; magis ad excipien  
dā iniuriā, vt recta ratio postulat, quā ad inferēdā parati.  
Sic enim est amēs & cæca multitudo, vt eos pro nihilo du  
cat, qui manus ascelere cōtmēt, eos vero qui iura omnia con  
culcāt, laudibus exornet. Hoc igitur multos mortales ad öne  
nefariū facinus impellit, vt exscelere laudē aucupētur. Fit  
itaque vt gloriæ cupiditas nō solū propter honorū cōtētionē,  
sed etiā quia est cū auaritia, & luxuria cōiuncta, omnia di  
uma & humana iura violet, atq; tyrānides ubique cōstitu  
at. Huc enim erūpat aliquādo laudis appetitio, necesse est.  
Videmus enim eos egregijs laudibus efferri, qui tetri, &  
immanes in patriam existunt. Quanta enim prædicatio  
ne celebrantur illi veteres, qui non contenti priuata viuendi

## DE GLORIA

conditione, tyrannidem occupauere? Quid etiam patrum memoria multi, quos minime necesse est nominare, egregia laudem consequuti sunt, tetra & crudelia facinora suscipiendo, multaque contra publicam salutem, & vniuersae Reip. libertatem moliendo. Hac enim ratione summis honoribus usi, & in ciuitatibus suis dominati sunt. Quid imperiosi populi? Quid reges illustres? Alia ne ratione sibi gloriam pererunt, quam gentium iura violando, & iniustissima bella finitimi populis inferendo? Cum enim summi principes animaduertant, non alia via posse clarius & amplius nomine adipisci, quasi communes hostes generis humani, omnibus quos opprimere possunt, vehementer infesti sunt. Hac igitur libidine furentes, causam aliquam dictu speciosa preterdunt, ut non sine ratione videantur alijs regibus, aut populis perniciē afferre. Primo igitur tenuiores inuadunt. viribus deinde accessione victarum gentium duplicatis, potentiores adoruntur. Iam si vident vicinos atteris editonibus, ad discordiarum euentum, tanquam ad certissimā prædā attriti sunt. Sperant enim fore, ut altera pars illis supplicatum pro auxilio veniat, & hac via credunt ita se posse vicitis subdio occurere, ut tam victos, quam victores libertate spolient: aut certe partem vtrāque mutuis vulneribus confectam aggredi cogitant. His artibus Assyriæ principes imperium auixerunt. Isdem Medi, & Persæ rerum potiti sunt. Haec ratione Athenienses in socios tyrannidem comparauere. Eadem etiam via Lacedæmonij socios oppresserunt. Quid de Philippo dicam? qui partim vi partim dolis & fraudibus

vniversam Græciam sibi subiugauit? Filius autem illius Alexander, cum orbē terrarum iniustis armis peragraret & innumerabiles nationes, a quibus nunquā læsus fuerat, euerteret, nominis sui gloria omnes mundi regiones impleuit. Qui si ab iniuria abstinuisset, ne tenuis quidem illius fama ad nos usque permanasset. Romanos autem quis non vides ambitione præcipites omnia bella quæsiuisse, in quoque omnibus terris imposuisse? apud quos disputabat Carneades omnes opes quas habebant, illis dimittendas esse, si vellent iuris humani præscriptis obtemperare. Sed quid opus est in rebus adeo perspicuis multis exemplis utri? parumne liquet omnes ferme qui ardentes gloriæ cupiditate, in rerum bellicarum studium incubuere, nullam rationem iuris habuisse? Scitum est igitur illud Antigoni dictum, sophistæ cuidam librum de iustitia inscriptum illi offerenti. Nugaris, inquit, cum apud me de iustitia differas, quem vides armis alienas Urbes inuadentem. intelligebat enim rex acutissimus eum qui ditionis augende, & gloriæ parandæ gratia bella sumit, intra regiones officij contineri non posse. Inde adeo factum est, ut nullus unquam rex iusti cognomē assumpserit. Cum enī alij urbiū expugnatores, alij aquilæ alij, fulmina appella retur, permulti etiā inuicti cognomine gauderent, nemine unquam in omni memoria etatū, tempore, regionū accepimus qui se iustum appellari vehementer expeteret. Quæretis autem fortasse, quæ tanta illos amētia vexaret, ut se se titulis, vim & impetum significantibus efferrent, iustitiæ vero nomen, quo nullum est magis regio muneri consentaneum,

## DE GLORIA

omnino despicerent? quia videbant eos quos equitas & cōti  
nētia delectabat vulgo contēni: qui autē virilis ad iniuriā  
vtebātur, consētiētē omniū laude celebrari. Quod si nihil  
est hominū opinione clarius industria militari, & constat  
enes ferme qui gloriā armis assēcuti sunt, iniustos, & hu  
mano generi infestos extitisse, relinquitur nihil magis pug  
nare cū iustitia quā gloriæ cupiditatē. Hęc enim, ut dictū  
est, propter honorū contētionē intestina bella concitat: patri  
amq; omni crudelitate lacerat: multisq; vulneribus īpositis  
tandem extinguit. nulla denique tanta iniuria est, quae non  
habeat ortū a gloriæ cupiditate. Nūc si lubet fortitudinē vi  
deamus. Perge, inquā. hic enī audire cupio quid sentias. Pri  
mū, inquit, est euellēdus error omniū animis insitus. Opinan  
tur enim nihil esse quod magis accendat animū ad egregiæ  
virtutis studiū, quā eximiæ nobilitatis desideriū. Hoc autē  
euenit, quia parū acute vidēt, quātū intersit inter virtutē  
& audaciā: & quātū ab animi magnitudine furor, &  
metia differat. Nā si v̄nes qui quacumq; de causa sese intre  
pide in armorū discrimē inferunt, fortes appellādi sunt, cur  
non omnes sicarios, & gladiatores, multum in sanguine,  
& cēde versatos fortes appellamus? Fīt enim sēpe, ut ma  
iora facinora edant in turba perditī homines, quam impræ  
lio pro patria initio viri virtute præstantes. Quid est igitur  
quo virtus ab audacia, & timeritate præcipiti distīguatur?  
Primum quidem recte rationis imperium, sine quo nulla  
mentis affectio poterit ad virtutis amplitudinē pertinere.  
Quos enī non ratio impellit, sed furor exagitat, ad pericu

la subeūda, nā modo parū fortē, sed ne homines quidē habē  
di sunt. Cur enim hac eximia laude nō leones, & pātheras,  
in quibus natura incredibile robur inscuit, ornaremus, si vir  
tus aliqua posset sine lumine rationis aliquo modo cōsistere?  
Tum demū igitur existet illud animi robur invicti, tūc emi  
nebit illa virtutis præstātia, quā excellētē atque pene diuinā  
arbitramur, cum ratio imperium tenuerit, atq; pro dignita  
te præscripsérat, quæ sint tāquā tetra, nefaria, & infesta  
acri impetu repellenda. Est enim hoc viri fortis officium,  
vt cum honestatē ratione duce perspexerit, eā omnibus vitæ  
cōmodis anteponat, illiusq; retinendæ causa, mortē libenter  
occumbat. Et quem admodum in rep. bene constituta, önes  
leges sunt in armorum tutela: sic etiā in bene moratis ani  
mis omnia iustitiæ præscripta fortitudinis præsidio muniun  
tur. Existunt enim e corpore immunes iracundiae, ne' ariæ  
cupiditates, & timores horribiles, qui menti tenebras of  
fundunt, eamque de gradu deyciunt. Fuit igitur necessa  
ria, ad firmissimam iustitiæ custodiā, quædam altitudo ani  
mi, mortem, atque dolorem negligens, omnesque turbidos  
motus, qui cæco impetu rationis arcem oppugnant, acerri  
me propulsantis. Est itaque fortitudinis munus cum illud  
cōmune omnium virtutum, ut rationi obtemperet: tum il  
lud præcipuum, ut iuris æquitatem diuina constantia tue  
atur. Ergo si fortitudo semper rectæ rationi paret, &  
pro iustitiæ sanctitate pugnat, illi qui se totos effingunt  
ad temerariæ multitudinis opinionem, & murijs  
quamplurimis universum genus humanum vexant:

quomodo tandem poterunt ad fortitudinis excellentiam aspirare? eos enim, ut antea disputatum est, a multitudine laudari eximie videmus, quorum viribus & potentia fuerit omne lumen aequitatis extinctum. *Q*uid igitur? illi ne tam claræ virtutis nomen affecti merito videntur, qui dominæ di libidine aut patriam oppresserunt, aut alijs gentibus, a qui bus læsi nunquam fuerant, libertatem eripuerunt, multosq; mortales bonis omnibus euerterunt? *C*ur enim sicarū, atque latrones infamiam ullam suscipient, si isti verum decus, sibi conciliare possunt? *N*eque enim sunt minus quam latrones, atque piratæ generi hominum pestilentes. *i*mo quo maiores opes habent, eo maiores calamitates rebus humanis inferunt. *E*x hoc autem genere sunt illi imperatores, quorum paulo ante fecimus mentionē, quos imperita multitudo ratiōis laudibus affecit, ut eos propemodum in deorum numero collocaret. *Q*ui quidem tantum abest, ut fortes habendi sint, ut etiam in summa imbecillitatē turpitudine volentur. *Q*ui enim fortis est, idem est magnanimus. *Q*ui autem est magnanimus animo excelsō, & alto, humanaque omnia contemnente præditus est. Sed qui gloriæ studet, humana despicere non potest, cum in popularibus ornamenti omne decus vitæ constituat. Efficitur itaque ut qui gloriæ seruit nunquam splendorem veræ fortitudinis assequatur. Fortitudini enim semper aduersatur animi infractio, atq; demissio. *Q*ui autem ex plausu populi dignitatem quærit, ut sic populo supplex, & obnoxius opus est. *P*räterea si magnitudo animi seruitutē pati non potest, qua ratione illum magnani-

mum appellabis, qui se populo in turpisimam seruitutem addixit? Nec enim ullo modo is liber dicendus est, qui se plebi indigne submittit: qui ad multitudiniis nutum se totum accomodat: qui omnes infamiae rumpulos extimescit: cuius omnia facta, dicta, cogitata ad auram popularem referuntur. Quod si constat omnes virtutes esse inter senexas atque ingatas: fortitudinemque esse quandam animi elationem ab omnibus timoribus invictam, ad alta, et ardua incitata, iufima vero contemnentem: reliquitur plane istam insanem mentis affectionem, quae se fortitudinis imitatrixem esse vult, cum omni virtuti repugnet, et ad populi auram captandam tam cæco impetu rapiatur, immanitatem potius, atque leuitatem, quam virtutem nominandam esse. Nucultimo loco videamus, quim parum cum temperantia et moderatione, gloriæ conueniat. Cum enim constet non posse gloriæ cupiditatem cum aliquo virtutis genere simul habitare: tum hoc vel maxime cernitur in animi tranquilli, atque sedati constantia. Multi enim tyranni sapientiae laudem adepti sunt: multi si mili ratione falsam iustitiae personam induere. multi etiam fallaci virtutis imagine famam egregiam consecuti sunt: animi autem moderationem nemus unquam flagitosus, et improbus potuit imitari. Habet quidem prudentia acumen ad malaprecauenda: id tamen sibi malitiosa calliditas assumit. est iustitia clemens, atque benigna: eandem vero laudem multi largitione, et fallaci specie liberalitatis adepti sunt. Inest in fortitudine incredibilis quedam animi elatio: at huius elationis similitudinem in

## DE GLORIA

hominibus audaciſsimis, & improbiſsimis plerumque cernimus. Temperantia vero cum totius honesti formam habeat expletam, & cumulatam, nempe quæ ab uniuersæ virtutis conſenſione, ſapientiæque munerebus exiſtat: & in animi placida & quieta conſtantia ſita ſit: nihil relinquit inſipientibus, quod aut cupiant, aut poſint aſſimulare. Quemadmodū enim magna tempeſtas ventis vehementiſsimis excitat a nihil habet commune cum tranquillitate: ita nec in inſipientis animo variis perturbationibus, tanquam fluctibus, agitato cerni potest aliqua mentis honestæ & tranquilleſſimilitudo. Operæ prætium eſt autem videre eos, quos nominiſis cupiditas inflammat, quam multa ſigna dent furoris & amentiæ: quam ſint eorum incoſiderata conſilia, atque turbulentia: quantis ſtimulis ad facinus incitetur, & a mente rationeque deducantur: uſque adeo ut nec ſōnum capere, nec ullo modo quietem pati poſſint. Ut enim quisque maxime gloriæ ſtudet: ita maxime illi accidit, ut a tota mente deficiat. Quid enim inter amentem & ambiſum interſit, non intelligo: cum ipſa ambiſio ſit maximus quidem furor. Quoq; quidem in Annibale facile cerne potest. Sic enim a Silio haud contemnendo poeta describitur, ut furorem cum inauditofcelere coniunctum in eo vide reliceat. Sed ipſum Siliū audiamus. Sic enim inquit.

Armato diuū nullus pudor.

Quid mirū? Eſt enī hæc propria laus virorum fortium, ſeſſe que inſolentius efferentium, omnes religiones ſpernere, ne pe quibus animos tantum humiles, & abiectos conſtringo p-

tent. Sed videamus quam claræ fuissent illæ virtutes, quæ erant cum isto contemptu nimis coniunctæ.

*Improba virtus*

*& pacis despectus honos.*

Non facile patior diuinum virtutis nomen improbitatis coniunctione maculari. Nec enim virtus improba esse potest, nempe quæ improbitatem repellendo publicam salutem constituant. Hic tamen, poeta vulgi consuetudinem secutus, audacie importunæ gloriam appetenti, virtutis nomen imponit. Quid deinde sequitur?

*Penitus que medullis*

*Sanguinis humani flagrat sitis.*

Vtrum magis sit uenter appeteret humanū ne sanguinem, an nominis claritatem, nequeo dicere. Illud quidem affirmare possum. Annibalem multo clarius, & illustrius nomine ista immanitate adeptum fuisse, quam mente, vitaque tranquilla potuerit adipisci. Addit deinde.

*Insuper æui*

*Flore vigens, auet AEGATES abolere, parentum*

*Dedeçus: ac syculo demergere fœdera ponto.*

Qui uero quidem auerbat. Neque enim si fœderis sanctitatem coluisse, potuisse ea gloria florere, quam fœderibus violatis, maximisque detrimentis in patriam innectis, asecutus est.

*Adiungit deinde.*

*Dat mentem Iuno, atque laudum spe corda fatigat.*

bij

*Agnosco iunonis inueteratum odium . Nec enim satis  
habuit bellum acerbum, terra marique, contra virum pie-  
tate insignem domo profugum geſſisse, & omnes Achae-  
rontis opes ad illius exitium euocasse, niſi quemad-  
modum Diana aprum in Calidonios fines, ſic illa imma-  
ne illud monſtrum, ex Africa ad ipſius Aeneae posteri-  
tatem euertendam immiſſet . Quæ tamen quanuis Ro-  
manos vlcisci vellet, multo tamen acrius ipſum Annibalem  
ſibi chariſſimum vexauit, quam Aeneadas quibus erat  
infenſa . Longe enim grauius eſt mentem & rationem,  
quam vitam atque fortunas eripere . Videte igitur quali-  
ter Annibal antequam exercitum in Romanos compara-  
ret, numine Iunonis cruciaretur, & iam ad furorem, &  
insaniam redactus maleficiorum pœnas penderet.*

*Iamque aut nocturno penetrat capitolia viſu:  
Aut rapidis fertur, per ſummas paſſibus alpes.  
Saepē etiam famuli turbato ad lumina ſomno  
Expanere trucem, per vasta silentia vocem:  
Ac largo ſudore virum inuenere futuras  
Mifcentem pugnas, & innania bella gerentem.  
Num potuit maior furor inuadere Alcmeonem, aut Oreste,  
quos matrū furiæ rediſ ardētibus agitauere? Aut Pentheū  
& Athamāta, quos poetæ nobis furentes inducunt, & in-  
ſi orum cede bacchantes? Non eſtenim cur existimemus  
Annibal tantū naturam, & ingenii hic deſcriptū eſſe,  
& nō potius omnī qui ſimili ſtudio ad gloriā coniendunt.  
Quid enim Achille furiosius? Qui vt expleret iracun-*

diam cupiebat suos armis Troianorum opprimi, ut in  
ultimo discrimine constituti, faterentur, se sine illius ope pa-  
res hostib. esse non posse. Iam de Aiacis impotentia nihil  
attinet dicere, quem ira ob Achillis arma Ulyssi adiudica-  
ta ad furorem, mortemque perduxit. Sic enim furebat  
gloriae cupiditate, ut existimaret esse sibi vitam abiiciendam  
siquisquam sibi fuisset antelatus. Sed fabulas omitta-  
mus. Quid gloriam expetiuit ardenter Alcibiade?  
Quis illo fuit intemperantior, peiusque animo? Vita con-  
stitutus? Eius autem ambitionem, et effrenatam gloriae li-  
bidinem legimus exitium Atheniensium rebus intulisse.  
Qui si non inexplicabili laudis cupiditate fuisset inflamma-  
tus, nunquam ciuitatem aliorum consilio florentem ad ini-  
tilia bella furenter incitasset: nec opes patriae intemperan-  
tia sua comminuisse. Quid de Alexandro dicam non mi-  
nus amente, atque furioso, magis tamen fortunato?  
Quam multa ille signa dedit intemperantiae et immanni-  
tatis, cum in suos non solum petulanter inuectus, sed  
iis etiam quibus omnia debebat mortem crudeliter attulis-  
set? Neque enim neesse arbitror persequi Cliti, aut Parme-  
nonis, aut Calisthenis cædem, aut aliorum, cum quibus erat  
necessitate sanctissima copulatus. Unde facile apparet,  
quam fuerit immanis in alienos, cum fuisset tam scelerat-  
us in suos. Quantus ille furor extitit, cum magna pena  
sanxit, si quis se ut deum non veneratus esset? Quid  
cum in medijs epulis, hortatu meretricio, regiam in qua epu-  
labatur incendit? Quid cum profusis lachrimis questus

est nondum se unum mundum subiugasse, cum a Philosophis innumerabiles esse traderentur? Quid cum suorum oblitus, quos in media Barbaria, infinitis hostib. circumfusos deserebat, solus se intra Sudracarum urbem in conferitos hostes saltu deiecit? Non ne hæc omnia declarat illum nihil unquam sapienter, & grauiter, sed furiose semper, & rabide res administrasse? Non est opus in re minime dubia, plurimis exemplis uti. Perspicuum enim est, eos qui omnia ad gloriam, & honorem referebant amentia præcipites, & nimis intemperantes extitisse. Quin etiam si est aliquis paulo modestior, ubi primum gloriam gustauerit, quasi Circeam aliquam potionem hauserit, omnem humanitatem exuit, & superbus, crudelis, immoderatus efficitur. Nemo Pausaniam insimulauit in solentiae, ante quam apud Platæas cum Mardonio signis collatis dimicaret. At post illam insignem victoriam adeo, sese insolenter extulit, ut omnem Græcorum nationum fastidiret, & de patria, pro qua pauloante vitam in discrimen adduxerat, prodenda cogitaret. Quid Themistocles? Nonne Salaminia Victoria sic elatus fuit, ut nihil fingi posset intemperantius? Idem etiam morbus Lysandrum invaserit, posquam Atheniensium opes attriuit. Tanta enim insolentia esse coepit, ut statum Lacedæmonis, Prudentissime a Lycurgo iundatum immutare cuperet, ne videlicet illa iuris æquabilitas, qua erat in Lacedæmoniorum institutis, honori immodico, quem ardenter appetebat cōsisteret. Iam Romulus propter intolerandam superbiam, qua post Fidena-

tes deuictos rempublicam administravit, fuit in frusta  
dicerptus. Quid hic L. Manlium Capitolinum?  
Quid alios infinitos commemorem, qui simul ut in glo-  
riam venere, statim ab omni mentis statu deiecti sunt,  
multaque furoris, & amentiae signa dedere? Si igitur  
temperantia est omnium virtutum fons (continet enim  
omnium perturbationum sedationem, unde omnis vir-  
tutis splendor existit) estque manifestum Gloria con-  
flantiā, atque moderationem funditus euerti: quid est quod  
dubitemus ex ista cupiditate onus immensas libidines, quae  
vitam miseram, & erumnosam efficiunt, oriri? Nihil igi-  
tur est in ista nobilitate, famaque populari, quam ob rem in-  
tam multis miserijs esse velimus? Si enim constat eorum  
animos qui gloriae student multis erroribus obsecatos esse, si  
vi & fraude plerumque nituntur: si nihil possunt elate &  
ample cogitare, cum omnem dignitatem e populite temerita-  
te petendam existiment: si postremo infinitis cupiditatibus  
distracti sunt, & aegritudinibus anxij & acerbis im-  
plicari: si omnes istae pestes sunt semper comites isti-  
us levitatis & insaniae: quid tandem Gloria tetri-  
us, aut detestabilius inueniri potest? Nec enim uno  
tantum genere flagitorum animos exedit: sed tanquam  
furia innumeris circumspicata serpentibus, multipli cupidatum  
genere circumsepta, faces intentat: animosque  
perpetuo cruciatu conficit: onemq; rationē beatæ vitæ peruer-  
tit, quæ in tranquillitate animi cura vacantis, & omni vir-  
tute cumulati consistit. Sed tempus admonet ut ad exitū

festinemus. Nimis enim diu vestra humanitate abusus fu.  
 & fortasse immodica loquacitate fui vobis aliqua ex parte  
 molestus. Evidem, inquit Metellus, vellem ut integrum  
 diem in tam præclara disputatione consumeres. Nihil  
 enim mihi iucundius isto sermone accidere potuisset. Hic  
 ego, idem, inquam dicerem, si non fuisset mihi imposta ne-  
 cessitas contrata accuratam orationem differendi. Hæc  
 igitur cura abducit animum meum auolutptate, quæ extā  
 eruditio sermone capere potuisse. Nondum igitur, inquit  
 August, satissimum tuæ dignitati putas. Nescio enim quæ  
 spem ostendebas, fore, si rem uberiori explanarem, ut in me-  
 am sententiam discederes: quod ne statim faceres, pudore te  
 diebas impediri. Nunc autem ad gloriæ defensionem te ani-  
 mo paratum video. Quid? inquā ridens, adeo ne me gloriæ  
 ipsius immorem esse putas, ut sine sudore, & sanguine,  
 quod aiunt, me victum esse confitear? Prius omnia peri-  
 clitor, tibi que quanta maxima potero contentione resistā,  
 quam tibi victoriam concedam. Fac igitur ut orationi tuæ  
 finem impinas. Epilogum enim expecto tuæ disputationis  
 elegantiæ consentaneum. Illum quidem, inquit August.  
 non tam e Rhetorum officina, quam ex sanctissima Christi  
 religione de promam. Sic igitur traditum est, maximas  
 cælitum copias a cælo detrusas in inferoru sedes, & in perpe-  
 tuæ noctis tenebras incidisse, propter insanam principatus  
 & gloriæ cupiditatem. Deinde per sequuntur casum atque  
 ruinam primorum parentum, qui simili libidine cæcati  
 non solum ipsi concidere: sed omni posteritati ingētem vim

malorum inuexere quæ, quidem nullo genere orationis  
possunt explicari. Sunt enim infinita quibus animi saepe in  
contrarias partes distracti, & a se ipsis dissidentes saepe gra-  
uiore aliqua clade perculsi, & abiecti, saepe cæcati erroribus,  
& opinionum prauitatis impediti, a recta ratione deiciti  
tur, & quam plurimis sceleribus imbuuntur. Sunt innu-  
merabiles erumne, ingentes dolores, acerbissimi casus ani-  
mum assiduo cruciatu lacerantes, quæ quidem possint erudi-  
ti homines deplorare complecti autem oratione non posint.  
Nullū enim est tantum ingenium, tantaque dicendi facultas,  
& copia, quæ valeat ea mala dicendo consequi, quibus saepissime  
conflictamur. Q uod si omnia mala, quibus oppugna-  
mur, ab illa ruina primi parentis nata sunt: eaque non alia  
de causa edita fuit, quam gloriae cupiditate, quid alia argu-  
menta requirimus? Q uid illud? Nonne satis nobis adimit  
differendilaborem, cœlestis ille doctoꝝ, ad omnem errorem  
depellendum, hominumque genus e tenebris vindicandum  
a cœlis in terras missus? V idens enim humanas metes mul-  
tis erroribus implicatas, & infinitis sceleribus astrictas, di-  
uina benignitate motus humanam naturam inexplicabili  
ratione sibi copulauit: vt in humano habitu, atque forma de-  
litescens, nos a seruitute miserrima, qua oppressi teneba-  
mur eriperet: & in celestem libertatem affereret. Luit ille  
quidem suo sanguine nostra facinora: pestiferique hostis  
imperium excidit, vt pestem a capitibus nostris auerteret.  
Sed non hac solum ratione insanabiles ægritudines generis  
humani curare voluit: sed etiam disciplina cœlesti, diuinaeq;

virtutis, atque sanctitatis exemplo. Caliginem enim hominum mentibus offusā præsentia sua discussit, atque docuit, quae esset vera & constans virtutis ratio: quod esset illud summum & extremum in bonis: quibus ornamentis esset animus excolendus: quibus gradibus in cœlum ascenderemus. Quod est autem huius sanctissimæ disciplinæ caput, atque Christianæ philosophiæ fundamentum? honoris, laudis, & gloriæ contemptio. Hanc virtutē qui complexi fuerint, omnes virtutes asequentur. Quemadmodum enim ab illa nobilitatis appetitione, natum est principium omnium flagitorum, ita a cōtemptu illius omnes virtutes oriuntur. Quā sit autem ista nobilitatis appetitio perniciosa, satis est diligenter intuentibus exploratum. Euertit enim omnem ciuilis atq; domesticæ disciplinæ rationem: iuris & equitatē oppugnat: fidei sanctitatem violat: amoris & amicitiæ rationem labe faciat. Simul enim atque honoris species obiecta fuerit, quæ plures amicos ad sui cupiditatem alliciat, omnis ardor amoris extinguetur, & existet nefaria quædā, atque scelerata contentio. Animos præterea libertate spoliat: formidine famicæ concutit: varijs perturbationibus exagitat: atque furenti libidine ad omne facinus inflammat. Ergo ut is qui in loco inculto, agrestiumque plantarum asperitate vastato, hortum facere instituit, opus est, ut prius inutiles illas plantas euellat: ita fuit necesse, ut antequā CHRISTVS animos nostros excoleret, prius istud inanitatis seminariū, quod omnia scelera fundit, radicitus extirparet. Hoc igitur

imprimis & doctrina, & vita exemplo suscepit, ut huma-  
num fastum comprimeret. Primū enim in obscura patria,  
& obscuris ad multitudinis opinionem natalibus nasci vola-  
vit. & quo tempore in luce editus est, in præsepi proter loci angu-  
stias abiici. In illa renuitate delituit summus ille cœli mode-  
rator, qui naturam uniuersam infinita virtute coercet, &  
continet. In ipso vero ortu sanctissimæ matris inopia, per-  
diti tyranni, illius sanguinem petentis immanitate, postre-  
mo fuga & exilio vexari voluit. Postquam vero ab AE-  
gipto in iudeam reuersus est, non statim ierosolymam con-  
cessit, ut in hominum luce versaretur: sed in loco ignobili,  
& infrcquente domicilium constituit. Cum vero venit  
maturitas tradendæ discipline, seque ad homines erudiēdos  
applicauit: nihil aliud frequentius inculcauit discipulis, quos  
ex infima plebe delegerat, quam ut ambitionem fugerent,  
& de se humiliter atque demisse sentirent. Omnes autem  
immodicæ laudis appetentes verbis acribus infectatus est:  
eisque præcipitem ruinam & occasum denuncianit. Contra  
moderatos, & humiles, in genij que sui opibus diffidentes be-  
nigne complexus, ad firmissimam spem immortalitatis ex-  
citauit. Quid illud? Nonne satis ostendit quam esset hono-  
res respuendi, cum eos fugit, qui se creare regem volebant?  
Cum vitam inopem, & ab omnib[us] cultu & elegantia remoti-  
ssimam secutus est? Iam quis non videt illum gloriæ morti-  
ferum vulnus impossuisse, cum insignes contumelias pati,  
grauiſſimas ignominias accipere, multisque flagris cædi &  
quod mortis genus erat olim maximo dedecor, in crucem

## DE GLORIA

tolli voluit? Est igitur audax & impium facinus cum humilitatis authorem Christum rerum omnium dominum habeamus, claritatem nominis aucupari velle. Illius enim sunt haec monita, pæcepta, instituta, quibus gloriam euersa & extinctam conspicimus. Si igitur Christum Opt. Max. pura integra, & incorruptamente veneramur: si illius disciplinā, in qua & ōnis immortalis, atq; beatæ vitæ ratio consistit, sequendam existimamus: si non nomine dum taxat, sed re ipsa Christiani sumus: omnem gloriæ appetitum coercere debemus. Aut enim summi illius doctoris disciplina repudiāda est, aut gloriæ cupiditas ex animis extrahēda. Vt rūq; enim fieri non potest, ut & Christo obtemperemus, & gloriæ seruiamus. Attendite quæso diligenter, vt melius videre possitis, quā contraria sit gloria Christianæ pietati. Elatus iracundia maledictum in aliquem temere cōculisti. Facinus est inexpiable, sanguine atque cæde luendum. Nec enim existimat is, qui verbo violatus est, posse se in pristinam dignitatē restitui, nisi prius illi qui fecit cōtumeliam, in armorum certamine vitam eripiat. Potest iniuriam persequi iudicio. Non est, inquit, viri fortis cum eo iure contendere, quem manu, & ferro possit opprimere. Nullum est enim in legibus honestum virtuti præsidium: sed quoddam subsidium imbecillitatinecessario constitutum. Ideo ne ego etatē in decoris studio consūpsi, & tā multa facinora virtutis militaris edidi, vt post tantas res cum magna laude gestas, sit mihi instar cuiusdam viduae, iudicum auxilium implorandum? Tum certe longe maius dedecus in me cō-

cepisse, quam illud ipsum, cuius macula mihi vel cum vita  
periculo diluenda est. Certum est enim vita non parere,  
dum dignitati consulam. Precepit Christus ut iniurias, &  
errata omnia condonemus. Quid christus inquit, in hac  
causa præcipiat, non valde ad me pertinet. Id autem quod  
pertinet, valde exploratus habeo, nempe nihil esse viro indig-  
nius, quam pati contumeliam, & ab ulciscendi studio religi-  
one aliqua dimoueri. Aut igitur sese mihi ad pedes abiiciat,  
erratique veniam petat, ut ipse subeat infamiam: ego digni-  
tatem meam recuperem: aut si recusat hanc conditionem  
ad pugnam se paret. Vitari enim summa contentio non po-  
test. In qua si sese prius non dediderit, gladio meo confectus  
cadet: aut ipse fortiter, & honeste decumbam. Quid si ca-  
das, & e corpore excedens in perpetuum cruciatum abri-  
piare? Ridiculum est, inquit, istis Tartareis monstris viros  
incensos gloriae cupiditate perterrere velle. moueant ista  
homines anilis, & imbecilli animi, anxiusque superstitioni-  
bus implicatos. Me vero non obiecta religio, non mortis me-  
tus, non supplicia quæ dicuntur esse apud inferos constituta,  
non monstra denique villa, a laudis studio deterrebunt.  
Quod si ad inferos abducendus sum, non dedecore conta-  
minatus sed honestus, atque viri fortis officio functus abdu-  
car. Videlicet amentiam? Queruntur miseri homines se dig-  
nitate spoliatos esse ab ijs, quos ipsi impuros, & nulla digni-  
tate præditos esse, confidentur. Non pudet igitur homo ame-  
tissime, te tantum operæ, atq; studij in ea re posuisse, quæ no-  
sit unquam in tua potestate, sed in aliorum libidine futura?

DE GLORIA

Nam si tantum iuris habet, in dignitate tua, cuiusuis audacia, ut cum velit verbo tibi totam eripiat: quid te miserius, quid magis anxium, aut solicitum fingi potest? Vitam enim ages acerbam, & calamitosam: intemperantissimi cuiusq; furorem extimesces: infamiae metu, noctes & dies cruciaberis: atque perpetuo animi angore paenas amentiae persolues. Sed videamus quantum malorum furor hic rebus humanis importet. Primum enim legum utilitatem que a divina mente, ad humanæ vitæ cultum defluxit, e medio tollere contendunt, dum illis submitti ignominiosum existimant. His autem sublatris, nihil est in vita, quod cohærere, atque permanere possit: nihil quod impedit, quo minus omnia scelere & audacia violentur, & cupiditatis incendio deflagrent. Deinde, quod est longe grauius CHRISTI religionem, atque sanctitatem despiciunt, & populi cædam & amentem opinionem, splendori diuinæ lucis anteponunt. Quo quidem scelere nullum profecto dirius, aut detestabilius excogitari potest. Tu ne ut imperitissimi populi plausu auccuperis, cœlestem CHRISTI disciplinam, summi atque prepotentis dei mentem, & numen ludibrio habeas? Tantum ne istam nescio quam gloriam admiraberis, ut manus apud te pondus insanæ plebeculae rumores habeant, quam leges sanctissimæ ad salutem generis humani diuina beneficentia constitutæ. Tandiu igitur Christiani nomen retinebis, quandiu id tibi per populum licuerit. Vbi vero casus aliquis inciderit, in quo populi leges iubeant a CHRISTO deficere, repente Christileges infringes, & quantū intererit

omnia illius sacra conturbabis. Sed operæ præcium est exi-  
tum tam funesti certaminis spectare. Ille igitur miser,  
cuius honor & dignitas, in quam omnia studia vita contule-  
rat, unius hominis improbissimi conuictio delecta est, nullam  
moram interponit, quin ad pestiferum armorum certamen  
prouocet eum, a quo accepit iniuriam. Pronocat autem lite-  
ris per omnia compita muris affixis, atque multorum testi-  
monio consignatis. Alter isdem tyrannicis legibus populi  
coactus, oblati certaminis conditionem minime recusat.  
Tempus ergo præstituitur: locus designatur: omnia que  
ad pugnam oportuna sunt, summo studio comparantur.  
Interim domus utriusque impurissimo comitatu, atque  
flagitiosissima turba reserta perstrepit vocibus gladiato-  
rum, & aleatorum: coniuicia quotidie celebrantur, in quibus  
nemo vir honestus accumbit: opes in nequitia & libidine co-  
sumuntur. Animus autem utriusque confectus acerbissi-  
mo cruciatu consistere, aut respirare non potest, cum diutur-  
na cœdis cogitatione diuis & hominibus infestus ad perni-  
ciem contra fas inferendā se paret: & nocte visis terrificis  
in somno obiectis turbulentे quatiantur. Postquam vero dies  
adest, qui inter eos conuenerat, & in loco destinato leuissimo  
rum hominum turba circumfusi consistunt, constituitur  
spectaculum inhumanum, & atrox, omnibus rectis insti-  
tutis, & legibus perniciosum. Homines duo eiusdem  
plerūq; linguae, nationis, & patriæ, atque saltē eadē, iuris &  
sacrorū societate deuineti causa leuissima cōtētionis oblata  
in campum deducuntur, ut alter alteri exitiū inferat: &

## DE GLORIA

Vitam quam religioni, atque patriæ debet, cum summo contemptu religionis, atque patriæ detimento, in magnum periculum mortis, & sempiterni cruciatus adducat. Locus vndeque septus, & armatorum præsidio cōmunitus, discep-tatio armorum inter utriusque partis aduocatos, ipsique iudices se truculensius gerentes, & truci vultu barbarā immanitatem denunciantes, atque postremo illatam tristis exitus expectatio animos formidine perterret, & oculorū acies horrore perstringit. Quin ipsi egregij bellatores atea ferociter insultantes, eximiam animi conturbationem dissimilare nequeunt: imperio tamen populi coguntur in insti-tuta amentia persistere. Postquam vero signo dato uterq; eorum infestis animis, & ancipiti armorum agitatione contendit, vt alteri exitium cōparet: & alteruter, vt fit, graui vulnera sauciatus occumbit: Tum demum apparet quantū imperium habeat in homines laudis imanitati seruientes amentia popularis. Necesse enim est, vt tanta ferocia appa-reat in vultu illius qui ceciderit, vt quāuis illi victor maxi mis vocibus inclamet, vt se dedat, iugulum det potius, mor-tiferamque plagam accipiat, quam deditione sua id, quod erat omnibus notissimum, victimum se esse fateatur. Aliter enim extreum dedecus concepisset. Multa igitur crudelissima morte mactari, sibique morienti sacris omnibus interdici, quam vitam ab hoste accipiendo, ab omnium aditu, sermone, congressu propter infamiam nominis arceri. O con-ditionem seruitutis miseram, acerbam, & luctuosam, onia mala, quæ cogitatione fingi possunt, continentē. Despicit po-

pulus animi simplicitatem, & stultitiam appellat. Est igitur  
tibi vitendum versus fallacie nocendi ratione, si uis sapientia  
existimari. Contemnit integritatem & innocentiam danda  
ergo opera est, ut per vim & fraudem fortunas amplifices.  
Frugalitatem obscuram, & nobilitate alienam ducit. omne  
patrimonium est per luxuriam effundendum, esu velis in  
clarorum hominum numero reponi. Modestiam & animi  
moderationem imbecillitatis esse putat: sunt igitur danda  
plura furoris, & amentiae signa, si cupis vir ad res gerendas  
acer, & animosus existimari. Leges postremo durissimas  
imponit, ut religionem negligas, ut diuina, & humana iura  
violes, ut sempiterni domini numen offendas, ut te manibus  
inferis inaudito scelere deuoueas. Est ergo tibi repudianda  
salus Christi sanguine quaesita, & omnes sanctitates irridendae,  
bellumque sceleratum, Gigantum more, cælitibus inferendum,  
atque manus tetre & impure Christiano sanguine  
cruentandæ. Quid enim quæso est ad opinionem vulgi præ  
clarior, quam multos in hoc impio, atq; nefario pugnæ gene  
re trucidare? Vicitor enim postquam aduersarij cæde cru  
delitatem expleuerit, ita discedit e loco certaminis, atque si e  
patriæ finibus hostium impetum repulisset. Equo igitur in  
uestitus, ingentique numero hominū stipatus deducitur ouās,  
& omnium oculos in se conuertit. Celebratur incredibili  
multorum gratulatione victoria: tympanorum, atque tuba  
rum cantu omnia concrepant. Neque solum præconis voce,  
sed prædicatione omnium, magnitudo tanti facinoris orna  
tur, mirisque in cælum laudibus effertur. Si igitur, ut iam

omnia concludamus, constat omnem gloriæ rationem cum  
in populari leuitate, atque scelere sita sit, esse contrariam  
legibus, iudicys, totique disciplinae ciuili: si compertum est hoc  
insanabili morbo domos, ciuitates, imperia, nationes excindi,  
omnesque virtutis opes euerti: si postremo nihil est, quod tam  
pugnet cum Christi opt. max. disciplina, religione, sanctitate:  
quid causæ est, cur non a glor: a, tanquam a re pestilentia, atq;  
pernicioſa fugiamus, illiusque impetum summa animi con-  
tentione comprimamus? Dicam enim quod sentio, me ista  
aliquando mente pertractatam vehementius conturbari,  
Sum enim (quod apud tales amicos fateri libet) gloriæ fortas  
sequam par erat audior. Sed cum video quam multa mala  
morbus hic in res humanas inuexerit, omnia vota mihi faci-  
enda puto, ut illum depellam. Nunc autem expecto quid ad  
hæc responsurus sis. Quanquam si te Christianum memi-  
neris, & quid a te sanctorum literarum studia  
postulent, animo cogitaueris, eam defensionē  
deseres: gloriāque non modo con-  
temnes: verum ut magnam ue-  
litionis, & pietatis labem  
singulari diligentia  
propulsabis.

## DE GLORIA LIBER

TERTIVS



AECILLE CV M DIXISSET  
finem differendi fecit. Ego autem  
vix, inquam, statuere apud me possum  
maiorem ne mihi voluptatem, an ad-  
mirationem attulerit oratio tua. Ta-  
tam enim rerum varietatem in omni  
genere discipline ingenio, copia, facultate complexus es, ut  
me pene magnificentia orationis obrueres. Sed quo maior  
fuit eloquentiae tue vis, eo magis in pristino meo sensu per-  
maneo, vel eo solo argumento persuasus, quod nec ista tanta  
dicendi facultate potuerim ab hac sententia depelli. Quid  
enim censes? Esse ne me in differendo pertinacem, & veri-  
tati, quod sophistae faciunt, impudenter repugnantem?  
Nihil est certe magis a mea natura, atq; moribus alienum.  
Cum enim in errore aliquo versor, tantum abest, ut in eo  
perseverare velim, ut etiam immortale me beneficium acce-  
pisse confitear a te, qui me in viam reducis. Quid inim-  
munus amplius homini veri visendi cupidissimo dari potest,  
qua veritatis ipsius abstrusae, atque reconditae patefactio?  
Quid si vel amici prudenter autoritas, vel diserti hominis  
facultas errorem unquam alicui detraxit: id tibi nunc fa-  
cilius & expeditissimum fuisset. Nec enim habeo ami-  
cum, quem pluris faciam: neque est enostris equalibus, que  
esse putem tecum orationis ubertate, & elegantia conferen-

Kij

dam. Sed sic natura comparatum est, ut opiniones iudicio,  
et voluntate susceptae facile defonantur: innatae vero nulla  
dicendi uicinelli possint. Id igitur es a secutus, ut mihi dif-  
ficille ad medium videatur gloriam a calunnia tueri: non  
ut eam odio aliquo dignam putem. Adhuc enim is sum, qui  
nihil arbitrer in natura, praeter unam virtutem, nominis  
claritate diuinius. Fieri quidem fortasse potest, ut propter  
ingenij mei imbecillitatem, disputationis tuæ firmamenta  
labefactare nequeam. Gloria tamen nihilominibus orna-  
menta sua retinebit, nempe quæ non in oratione mea, sed in  
natura consistant. Attamen quando semel illius defensio-  
nem suscepi, pugnabo ne officio meo desim. Malo enim ut  
male a me defensa ingenium meum vituperet, quam deser-  
ta perfidiam. Hic Augustinus ridens, hoc certe, inquit, ve-  
terorum est, eloquentiam meam extollere, tuamque ipsius  
extenuare, ut si minus causam a te susceptam tueri poteris,  
apparet, id non illius imbecillitate, sed incredibili mea dicen-  
di vi effectum esse. Expecto igitur an reliquias orationis  
tuæ cursus huic principio respondeat. Me namque oratorem  
qualem tu me vis, esse non putabo, si me hoc artificio abs te  
vincipatiar. Certum enim mihi est, ubi peroraueris, meum  
ingenium, et copiam, quam tantis laudibus ornasti, in tuam  
laudem conferre. Quasi, inquam, mihi homini gloriæ audif-  
fimo quicquam iucundius acciderit, quam laudem unde-  
quaque venari. Istius igitur quamvis artificiosæ laudis spe,  
contendam nunc multo vehementius. Atque primum glo-  
riae ortum a fôte repetamus: deinde paulatim ad Christianam

disciplinam veniemus, cuius testimonio probabimus, nihil esse magis cum Christiana sapientia copulatum, quam laudis & gloriæ splendorem. Quare non me vaide mouet illa oratio tua, qua me perorando admonebas, ut meminissim me Christianum esse, sacrisque literis deditum. Quasi minime officio meo conueniret gloriam, quam tu magnam religionis labem appellas, aliqua ratione defendere. Ego quidem illam quantum potero defendam: nec ullius oratione ab illius studio deducar. Continet enim totius honestatis elegatiam & claritatem. Fieri autem non potest, ut res tantis honestatis opibus exculta diuinis institutis, & legibus adueretur. Id tamen suo loco reseruemus, exordium nunc aliude capientes. Gloriæ igitur rationem non esse in errante opinione sed in natura sitam id maxime declarat, Quod omnibus innatum est mirum illius desiderium. Quæ enim gens est, aut tam humanitate culta, aut tam immanis & barbara quæ non naturali impetu concitetur ad laudis studiū? Quā tam vero illius cupiditatem natura nobis inseuerit, ex cofa cile cernitur, quod omnes pueri infantes simulatque sentire aliquid incipiunt, laude mirifice capiuntur. Mirum est enim quanta certamina ineant, quanto Vincendi studio efferrantur, quantus in victis pudor in sit. Ut autem quisque præstatiſſima indole natus est, ita maxime cupiditatis huius significationem dat. Refert Xenophon, Cyrus illum Persarum regem cum esset adhuc puer, adeo ad cupiditatem laudis exarsisse, ut illius causa, iam in ea etate pericula omnia subeunda duceret. Facile fuisse igitur ex illo motu animi

futuram Cyri Virtutem augurari. Nemo enim unquam  
 res magnas animo magno agoresus est, qui non in ipsis  
 etatis primordio dederit insignia documenta quanti, gloria  
 estimaret. Non est hic necesse Pyrrhos, Scipiones, Alexan-  
 dos enumerare, cum omnes summos imperatores hoc tantum  
 signo constet magnam spem futuræ virtutis ciuibus suis  
 attulisse. Quid de insigni ad præclaras disciplinas indeole?  
 Num parum liquet optimam de illis spem concipiendam  
 esse, qui omnem conatum animi ad laudem referunt? Mihi  
 inquit Fabius Quintilianus, ille detur puer, quem laus excitet,  
 quem gloria iuuet, qui vicitus float. Hic erit alendus ambitus:  
 hunc mordebit obiurgatio: hunc honor excitabit: in hoc desi-  
 diam numquam verebor. His verbis optimus ille magister  
 indicia ingenij excellentis explicat. Quid postquam pueri  
 ætate progressi quatenus quicquid ipsos attingat dispicere  
 incipiunt? Num alio genere orationis a languore desidiaque  
 citius alocantur, quam summorum hominum cōmemorations?  
 Vide quibus verbis Pallas apud Homerum Telemachum incē-  
 dat ad poenas de procorum petulantia repetendas. Sic enī ait.  
 Nec iam res tantas puerili mente retractes.  
 Nonne vides quantū nomen sit adeptus Orestes,  
 Cum patrem vlciscens, vita spoliauerit illum,  
 Qui scelere infando patrem demiserat orco?  
 Te decus eximium præstanti in corpore tandem  
 Excitet, ut magna laudum capiaris amore.  
 Illa igitur oratione sic videmus incensum Telemachum  
 Ut nihil aliud quam de virtute cogitaret. Cum enim sit hoc

studiu[m] laudis in omnibus, tum illi in quibus est maior animus,  
tanto laudis amore capiuntur, ut illius causa vita despiciat.  
**Q**uod de se testatur Euryalus apud Maronem dicens.

**E**st hic, est animus lucis contemptor, & istum

**Q**ui vita bene credat emi, quo tendis honorem.

Necis ardor extinguitur etate confirmata: sed tunc ratio  
ne & studio multo magis incitatur. Vnde *Vlysses* apud  
Eurypide ait, se necem haud recusaturu[m], dum modo sibi mor  
tu[m] sepulchr[u] magnificu[m] edificetur, ad sepiternu[m] gloriae  
monumentu[m]. Multos etiam fuisse constat eo progresos, ut gloriae  
cupiditate suis vita eriperet. qualis fuit Brutus de quo Maro  
*Infelix vicumque ferent ea fatu[m] minores.*

*Vicit amor patriae, laudisque immensa cupido.*

Sic etiam traditum memoriae est, Alcitheam pausaniam marrē, cu[m]  
illu[m] Spartiatæ in Tenaro morte domi interclusi fame necare  
parauisset, primu[m] lapide ad obstruendu[m] ædium exitu[m] posuisse.  
Similis etiam cupiditas Timoleontem induxit, ut fratre domi  
natu patriæ opprimente interimeret. Ne Iorquatus quidem cu[m]  
filij cæde sanxit militare disciplinæ, hac cupiditate caruisse  
putandus est. Non hic dispergo an omnes hi recte officio facti  
sint: sed illud ostendere volo, nemine[m] in qua[m] gloriae causa suo  
ru[m] caritatè repudiaturu[m] fuisse, nisi natura hæsiasset eorum  
animis, gloria esse omnibus rebus humanis legi preferendam.  
**Q**uid philosophi? Nonne spe clari nominis inducti seipso ad  
sapientiae studium contulere? Ut enī antiquiores præterea,  
Plato certe quantum prædicationem, atque nobilitatem  
amaret, aperite declarauit. Nam & laudem esse bonum

quoddam cœleste censet: Et omnibus eam recte factis, quasi  
præmium diuinum proponit: ipseque maximarum artium  
instrumentum, Et illud admirabile genus eloquentiæ in  
gloriam suam magna ex parte transtulit. Aristoteles autem  
cum esset philosophiæ gloria præstans, minime contentus illo  
splendore, quem erat sapientiæ studijs affectus, eloquentiæ  
laudem incredibili animi contentione quæsiuit. Infinitum  
esset, si vellem eos qui ab his orti sunt enumerare, quos omnes  
constat fuisse gloriæ stimulis acriter incitatos. Quod si  
aliqui se gloriam despiceret gloriati sunt, id fecerunt, ut ea  
nobilitatis contemplatione maxime nobilitarentur. Quod  
declarat eorum studium in suis nominibus inscribendis, co-  
gitationumque suarum memoria propaganda. Quia id de  
poëtis dicam? Non enim solum sibi ipsis, sed omnibus in quo-  
rum studium propensi sunt, nominis immortalitatē pollicē-  
tur. Hoc enim sibi diuinitus concessum existimant, ut et te  
nebris, quos velint eripiant, atque seculis innumerabilibus  
in hominum luce constituant. Cœleste profecto munus, ires  
ad laudem insignes ab obliuionis iniuria vindicare, mortem  
que ipsam omnia delentem in genio comprimere. Sed nescio  
quomodo, inuitus hoc dico, tum quia poetarum ingenia sum  
semper admiratus, tum quia te cum illis coniunxisti: poetice  
enim Solonem credo imitatus strenue complexus es: Nescio  
igitur quanam ratione, plerique suæ dignitatis obliti, merca-  
tum immortalitatis instituunt, gloriamque venalem omni-  
bus proponunt. Multi enim sunt, qui cum nulla instrumenta  
virtutis habeant, eam facile a poetis nundinantur, quibus si

re munieribus insinues, statim te facient Iouis filium, felici  
sidere natum, atque multiplici virtute aurea secula reserem.  
Quod vitium ad quosdam historicos hac nostra æta-  
te contagione permanauit. Nam bene de se meritis spem  
sempiterni nominis ostendunt: ijs autem quibus insensi sunt,  
perpetuam nominis infamiam minitantur. Vt trunque enim  
se ingenio, eloquētia præstare posse confidunt. Illis igitur  
inquit Augustinus ridens, inferuias opus est, si te immorta-  
lem fieri cupis. Nihil enim proderit summum ipsius honesta-  
tis studium illis, qui poetas, aut historicos iratos habet. Qua-  
si inquam possint homines leuissimi id quod cōrēdunt effice-  
re. Multi enim sunt, qui vere, & incorrupte res gestas me-  
moriæ prodant: id que solum est in omni ætate permansuru,   
quod est veritate subrixum. Vanitas enim in lucem Verita-  
tis incurrens quasi quædam nebula dissipatur & evanescit.  
Atamen neque scriptores laude afficerent eos, quos maxi-  
mo beneficio sibi obligare cupiunt, nec auari homines ingen-  
ti præcio laudem emerent, nisi utriq; eorum laudis eximia  
dignitate caperentur. Sed quid poetas admiramur, cum  
agricolas, & opifices, cum barbaros etiam homines, & ab  
omni cultu humanitatis abhorrentes laudis dulcedine moue-  
ri videamus? Nullus enim est agricola, nullus artifex, nullus  
operarius qui non laudari valde cupiat, & inter sui ordinis  
homines princeps existimari. Ergo cum pueri, senes, adolesce-  
res laudem ardenter experant, cum omnes siue principes,  
siue perebe, siue intelligentes & docti, siue rudes & imperiti,  
siue maximis disciplinis exculti, siue artibus infimis incum-

## DE GLORIA

bentes ad eam enitantur: possumus ne dubitare, quin ea cupi-  
ditas humana natura maxime attingari? Nunquam enim esset  
tantus omni gentium consensus, & conspiratio in gloria con-  
fecta, si ea moribus, & opinione desiderata, & non poti-  
us vi, & impetu naturae expedita esset. Quae enim moribus,  
aut legibus institutis continentur, nec sunt eadem apud omnes,  
nec ullam constantia habent: sed varias pro temporum ratione  
mutationes subeunt. Ex eo igitur quod omnes mortales seper  
laudari concupierint, facile cernitur huc appetitum laudis esse  
natura, & non opinione nostris animis infixum. Si autem qui  
vel in genio, vel preclara ad virtutem indole praestat, quo sunt  
ad altiora natu, eo maiora dant indicia naturae: constatque in  
studii laudis illos ardenter incitari, qui maiori indole praediti  
sunt: relinquuntur plane, hunc animi impetu nullo modo infir-  
ma opinione, sed naturae præstitia contineri. Quod si natura  
nos non ad flagitium, sed ad honestatem genuit, & confor-  
mavit: ob idque omnes sapientes eam tanquam optimam vitam  
ducem sequendam statuunt: & perspicuum est, nos impetus  
naturae ad laudem contendere: efficitur nos gloriae cupidita-  
te ad virtutem, & honestatem dirigi. Poterit quidem fieri  
ut non teneant homines veram gloriae viam, & opinionis  
errore flagitia infinita concipiant. Quemadmodum enim  
reliquas affectiones utiliter a natura datas ad nostrum sta-  
tum conservandum temeritate, & amentia ducti in perniciem  
nostram couertimus: ita etiam fit, ut gloriae cupiditate ad  
nostrum dedecus abutamur. Ut igitur in rebus alijs cum impe-  
tum naturae cernimus, quid sit illud quo nos impellat, ratio-

we inuestigamus: ita cum tantū gloriæ desideriū omnibus  
innatū esse videamus, in quibus rebus ea sita sit exquirere  
ratione debemus. Prudēndū enim est, ne quod plerisque  
accidit, in anis laudis specie deliniti sempiternā infamia subea-  
mus. Ut igitur id præcaueri possit, est gloriæ vis, & ratio  
diligentius inquirenda. Primum itaque videndū est eam in  
laudis genere versari. Locus autem & regio laudis honesta-  
te, & pulchritudine continetur. Id enim tantum laudamus  
quod aptū & venustum est, & aliquo splendore dignitatis  
illuminatū. Contra vero quicquid turpe & ineptū est, vitu-  
perare solemus. Quod si interdū accidit, ut rebus inhones-  
tis aliquid laudis impertiamus, id fit propter aliquā decoris  
atque venustatis similitudinē rebus turpibus adiunctā. Exi-  
stet enim in corporis motu, in incessu, & in voce quidam  
modus, & conuenietia in numeri rationē cadens, & venusta-  
tis specie præse ferens, qua quidē fit, ut res etiam flagitiosæ  
genus quoddā laudis aucupetur. In quibus tamē rebus nullo  
modo flagitia laudari possūt, sed illa pulchritudinis imago,  
qua se penumero insigne turpitudines occulūtur. Quæ enī  
ita deformia sūt, ut nulla specie pulchritudinis illustrentur,  
nemo laudauerit vñquā, nisi sit humano sensu penitus orba-  
gus. Cum id igitur tantum laudari contingat, quod decorum  
atque venustū est, videamus, sit ne huius decori iudiciū in er-  
rante opinione sitū, an sèper ad naturā referatur. Continet  
enī hæc quæstio ònē disputationē. Si enī est in natura positū  
non tanta erit varietas, & inconstantia, quantā tu esse vo-  
luiisti: sed erit profecto aliquid, quod in omni memoria sit

## DE GLORIA

certa, & constante laude celebratum. Hoc autem in corpos  
ris humani figura cerni facile potest. Ut enim ex omni gene  
re animantium nullum est praeter hominem, quod pulchri  
tudinis elegantiam sentiat, ita nullum aliud potest insigni  
aliqua specie delectari. Reliqua enim, ut histrionis motum  
sentiunt, ipsius autem motus ordinem, & venustatem non  
sentiunt: ut cantorum sonos auribus accipiunt, harmoniam  
autem ex varia compositione sonorum haud assequuntur: ita  
& in formis magnitudinem atque colorem vident, ipsam  
vero partium convenientiam, & aptam corporis compositionem  
intueri non possunt. Ex quo sequitur deformia a pulchris,  
humana tantum natura, atque ratione distingui. Quae cu  
sit eadem in omnibus, idem erit apud omnes de venustate  
iudicium. Nam ut omnium aures vox extra modum abso  
na, & absurda ludit: distincta vero, & varijs interuallis  
numerum apte conficiens delectat: ita oculos omnium, partes  
corporis non certa ratione inter se convenientes offendunt:  
membrorum autem omnium concinnitas incredibiliter alli  
cit. Sumus enim natura elegantes, & coccinitatis appetentes.  
Quae quidem in motu, & in voce numeris, in corpore autem  
certa, & rata partium ratione constat. Quis enim est,  
quamvis sit ab omni flagitiosa cupiditate remotissimus, qui  
non excellentem formam libenter aspiciat? Nec enim solum  
aspectu alienae pulchritudinis alliciuntur homines, sed etiam  
omnibus insidet cura quedam propriæ dignitatis. Nemo  
enim est, qui non cupiat integras, & aptas corporis suipartes  
habere, & non omnia circunspiciat, quibus eius species orna

tior esse possit. Quod si corporis elegantia, quæ quidem non tam in coloris bonitate, quam in certa dimensionis lege con-  
sistit, omnium oculos ad se rapit: efficitur plane, id non incer-  
ta opinione, sed constante naturæ ita dicio contingere. Non  
enim nunc hoc, nunc illud, sed idem semper omnes natura  
indicant, fugiendam videlicet esse deformitatē, & pulchri-  
tudinem expetendam. Poterit quidem fieri, ut alios alia ma-  
gis delectent, ut in picturis: nemotamen, nisi prius omnem  
humanitatem exuerit, honestam & liberalem oris speciem  
non aspectu iucundam existimabit. Si igitur illa pulchritus  
dinis imago quæ sub oculos cadit, quāuis fluxa sit, & insta-  
bilis, non tamen incerta opinione, sed certo ipsius naturæ sc̄su  
judicatur: Quid de pulchritudine animi dicendum est, quæ ne-  
que morbo corporis amittitur, neq; etate deforescit, neq; me-  
dicamento ullo corrumpitur, sed quotidie magis ornamenti  
diuinis illustratur? Illic enim non adumbrata venustas  
multis interdum maculis aspersa cernitur, ut in corpore sed  
solida, & expressa pulchritudo, quæ sola est sua natura &  
sponte laudabilis. Nam si laus omnis, ut dictum est superius  
rebus tantum decoris, atque venustis tribui solet, & verum  
decus in animi tantum bonis eminet, quis dubitet omnem  
laudem esse ad dignitatem animi referendam? Quod ut  
facilius videamus, illam similitudinem honesti corporis ad  
pulchritudinem animi speciem transferamus, ut in eo tandem excel-  
lentem illam formam intueri possumus. Atque utinam sic  
eam oratione liceret, atque mente licet, & cogitatione depin-  
gere. Iam videretis ipsius honestatis fontem, unde omnes

DEGLORIA

laudes emanant. Sumamus igitur hominem ingenio,  
et studio prestantem, optimis artibus imbutum, verique  
videndi cupiditate vehementer inflammatum. Is cum  
acrem mentis aciem in mundi motus, et conuersiones,  
admirabilemque cœli ornatum, atque totius naturæ con-  
stantiam intenderit, omniaque cœlestis illius rectoris  
numine et consilio regi, et administrari perspicerit,  
conuerat sese ad sui ipsius contemplationem, ut mentem  
suam cœlesti satu editam, et cum diuina mente copu-  
latam sentiat, atque tandem videat, quid sit tanto nata-  
lium splendori consentaneum. Intelliget enim profecto,  
summum illum dominum, a quo animum hausit, et tanta  
beneficia accepit, esse sibi non modo religione summa  
colendum, sed etiam ardentissimo studio sequendum.  
Ex hac igitur animi conformatione pietas, et sancti-  
tas existet: hinc admirabile iustitiae, et aequitatis decus  
orientur: hinc singularis amicitiae fides, hinc liberalitatis,  
et magnificentiae splendor elucescat. Huic tam claro  
et illustri virtutum comitatui, adiungamus illam qua-  
si custodem et propugnatricem iustitiae fortitudinem,  
quæ hunc armis diuinis vndique tegat et muniat. Sie  
itaque ierecto animo, et excuso; humanaque omnia des-  
piciente, altaque nimis et ardua consecante, et in omni  
contentione semper invicto. Hanc autem animi altitudi-  
nem moderetur temperantia, quæ quidem totius honestatis,  
et elegantiae decus, et ornamentum in se con-

cinet. Sit igitur hic quem animo, & cogitatione fingimus insigni modestia præditus: omnem turpitudinem repellat: turbulentis cupiditatibus obfistat: in omnibus dictis, & factis modum, & ordinem conseruet: & quid maxime deceat semper inquirat. Ergo cum hijs tam illustribus, & inter se concimentibus honestatis ornamenti, atque præsidij redundantuerit, nullamne censes admirationem hominibus allaturum? Illum quidem admirabuntur vniuersi, & complures etiam amabunt. Nullo enim modo honestas, qua quidem nihil est in terris magnificentius, aut amabilius, hominum admiratione, & studio carere potest. Etenim quis tam agrestibus institutis vivit, qui non ipsius rationis præstantiam, atque sapientiam cum ingenti admiratione suspiciat? Quis vñquam tam abiecto animo fuit, qui virtutis altitudinem minime prædicandam existimaret? Quis tanta immanitate efferatus est, ut fidem & bonitatem non amandam iudicet? Si igitur singulae virtutes per se (quaquam illæ rediungi non possunt, sed cogitatione tantum separantur) omnibus præ se ferendæ, & amandæ videntur, quid tandem omnium conspiratio, atque consensus efficiet? Praeclare Aristoteles, si essent, inquit, qui veluti Deorum signa pulchritudine corporis excellerent, reliqui ònes æquum esse ducerent, eos in omnium dominatu locari. Quod si corpus elegantia præstans hanc opinionem afferre potest, multo facilius id effet de animi præstantia iudicandis.

Sed non ita facile pulchritudinem animi cernimus, atque  
venustatem corporis aspectu sentimus. His verbis ostendit  
Aristoteles, vehementius amores excitari posse, animi dig-  
nitate perspecta, quam corporis insigni specie considerata.  
Animi tamen formam non ita facile cerni. Sed quid refert?  
Non enim diu celari poterit. Necesse enim est, ut aliquando  
tandem existat: lucemque suam longe, lateque diffundat.  
Tunc igitur omnes in solito splendoris commonebit, & ad sui  
amorem inuitabit. Habet hic gloriae principium, quodqui-  
dem nihil est aliud, quam egregium illud altissimae mentis  
lumen omnium oculos in se conuertens, & ad sui amorem  
incredibiliter alliciens. Est enim gloria publica virtutis excel-  
lentis admiratio, cum insigni benevolentia coniuncta. Nec  
enim quoduis decus gloriam gignit: sed excellens & ad-  
mirandum, neque rursus omnia que sunt admiranda glori-  
osa dicenda sunt, sed ea tantum, que ab animi decore, &  
honestate ducuntur. Si enim quaecunque sunt admirabilia  
gloriam sibi parerent, cur non monstra, atque prodigia, que  
magnam mortalibus admirationem incutiunt, gloriofa pu-  
taremus? Gloria igitur tum demum locum habet, cum ex-  
cellens, & admiranda pulchritudo animi conspicitur, quam  
admirantur omnes, & singulare omnium charitate digna  
existimant. Sola enim dignitatis amplitudo utrumque simul  
efficit, ut & stupore supenos homines teneat, & sui amore  
inflammnet. Nec enim tantum propter utilitatum magnitu-  
dinem, quam viri uirtute floentes nobis afferunt, quantum  
ob insignem & illustrem virtutis speciem eos amplectimur

Vsque adeo, ut illos etiam quos nunquam vidimus, eximie diligamus. Sumus enim appetentissimi honestatis, eius que forma perspecta, in illius cupiditatem ardenter incubimus. Ut enim eos, a quibus numquā læsi sumus, si virtutis expertes, & flagitiis inquinati fuerint, & contemnimus, & iustum in illos odium concipimus: Ita homines virtute præcellentes veneratione quadam, & insigni benevolentia dignos iudicamus. Quis enim est qui desiderat & ignauum hominem non despiciat? qui libidinem, auaritiam, perfidiam, crudelitatem non oderit? Nemo tam effrenatis cupiditatibus unquam fuit, qui si utrumuis licuisset, non multis partibus maluisset ad ea quæ scelere consecutus est, sine scelere peruenisse. Eos enim ipsos, qui se vitiis omnibus dederunt, ita grauiter offendit suscepti flagitij turpitudo, ut sibi ipsis odio sint. Sit autem aliquis homo teter, & impurus omniq[ue] scelere, & parricidio contaminatus, fieri ne posse credis ut non in domesticorum odium irruat? Ut non cum fratres etiam, atque parentes, ut malum auspiciū detestetur? ut non illum omnes è naturæ finibus exterminandum putent? Si igitur omnes a natura instituti scelus odio, & vituperatione prosequuntur, consequens est, ut honestatem iudicent esse diligendam, atque mirifice celebrandā. Vnde plane colligitur, omnem laudis excellentiam esse in virtutis magnitudine constitutam. Quod igitur in orationis initio posuisti, nemo tibi facile dabit, nempe gloriam e populi leuitate pendere. Illud enim iudicium multitudinis in alicuius hominis laude consentientis, non est libera voluntate, sed natu

## DE GLORIA

ræ necessitate suscepsum. Necesse enim est, ut quem  
viderint omnes esse virtute præstantem, quod minime  
obscurum esse diu potest, quanvis, id in principio late-  
at, laudibus in cælum tollant. Glorie itaque funda-  
mentum non in populi inconstantia ponendum est, cum  
ea sibi stabilem sedem, & sempiternum domicilium in  
una virtute collocarit. Hoc enim semper euenit ut  
virtutis ipsius lumen celebris opinio consequatur. Neo  
me conturbat nomen opinionis. Non enim verum est  
omnes esse dubias, & incertas. Siquidem multæ sunt  
veræ, constantes, & graues, quibus ad religionem, ad  
patriæ charitatem, ad omnem denique virtutem inci-  
tamur. Haec igitur opiniones (Sic enim doctissimi viri  
appellant interdum communes sententias, in animis  
nostris impressas) quanvis nec ratione conclusæ, nec  
ulla disciplina confirmatae sint, nullam possunt habere  
varietatem. Sunt enim naturales, & insitæ, nec ad eas  
confirmandas ullis exquisitis rationibus opus est, cum  
sint ipsa natura perspicuae, nec ullo modo dubitandæ.  
Si igitur grauiissimi philosophi non verentur has incho-  
atas intelligentias, unde omnis sapientia defluxit, opi-  
niones appellare, quid tibi venit in mentem, ex nomine  
opinionis inuidiam in gloriam concitare velle? Equi-  
dem, ut verum fatear, illo tuæ disputationis principio  
cohorru. Putavi enim te velle Chrysippum ab inferis  
excitare, qui nos non Hydris, sed aculeatis argumentis

Undique pungeret, & maledictis insectaretur, quod ali-  
quid præclarum in opinione positum existimaremus.  
Si enim sumus, qui non modo innatas opiniones, sed ali-  
as quam plurimas honestas, & laudabiles afferamus.  
Si itaque illo genere necromantia vni voluisses, me  
certe metu examinasses. Quid ita tandem? inquit  
Augustinus arridens? Nec enim unquam te Lusita-  
num hominem adeo timidum putavi, ut mortuorum  
imagines extimesceres. Quasi, inquam, Gorgonis ipius  
aspectu conturbari possim, & non potius horrido illo di-  
fierendi genere, à naturæ tuae clementia penitus ab  
horrente. Nec enim Chrysippus ipse mihi tantum terro-  
ris incussisset, si carmen illud usurpasset. Adsum  
atque aduenio Acheronte, quantum si me contortis  
sophismatis oppressum indigna etiam contumelia vexa-  
set, leuem & futilem appellando quod in aliqua opinio-  
ne dignitatem constituisse. Timui igitur initio cum  
te de levitate opinionum disputantem animaduerti, ne  
me nullas eiusmodi insidias suspicantem acumine Zeno-  
nis oppugnares. Sed postquam dixisti non tibi placere  
omnia ad illam exactissimam sapientiae normam di-  
rigi: teque vidi ad hoc mitius differendi genus oratione  
delapsum, illam ætatem auream luculenter explicantem,  
continuo respireui. Non dubitas enim, quin si genus aure-  
um extaret, tunc is qui se multitudini probauisset,

## DE GLORIA

fuisset omnino splendorem virtutis asecutus. Si hoc inter nos conueniat, nō erit difficile demonstrare, cum etiam quē hæc gens, quam vos poëtæ ferream appellare soletis, laude perpetua dignum existimarit, esse omni virtute cumulatū. Hoc quidem, inquit, scire sane vellem, qua ratiōne te id probare posse confidas. Quia, inquam, insipientis multitudinis de rebus laudandis, & vituperandis opinio, a sapientiū sententia nō discrepat. Si igitur in illius aurea, hoc est sapiētis gētis opinione de alicuius dignitate concepta, erat aliquid excellēs, atq; magnificum, nō erit dubium, quin id etiā quod imperitum vulgus mirifice laudandum putarit, sit honestū & laudabile existimandum. Hoc igitur, inquit, effice si potes, multitudinis opinionem a sapientiae decretis minime dissentire. Nec enim te impedire volo. Hoc inquam, plane effectum arbitror. Nam enim disputatum est, fieri non posse, ut virtutis decus animaduersum, non vniuersis hominibus admirandum, atque summo studio complectendum videatur. Tantas enim vires virtus habet, ut ab hostibus etiam egregiæ dignitatis confessionem exprimat. Hoc autē voluit ostendere Homerus, cum Priamū inducit in senum confessu Agamemnonem, & alios Græcorum principes, a quib: s ingentes clades acceperat, eximie laudantem. sed quid hostes admiramur, cum illi etiam qui non cum hominibus, sed cum virtutibus bellum omni scelere imbutum gerunt, ipsarum virtutum splendore & elegantia obstupeſcant? Illud enim quod, inquis, talem nos opinionem de rebus laudandis & vituperandis accipere, quales sunt iij mores

quibus instituti sumus, quis tibi concedet, qui modo in ipsis  
 naturæ vim acutius intenderit? Omnes enim nati sumus ad  
 decus, & honestatem, hisque virtutum seminibus inclusis  
 sit, ut quanvis præuis moribus imbuti, & perniciosis legibus  
 instituti simus, unam tamen virtutem summis laudibus  
 efferendam iudicemus. Nec ullo modo tanta morum, aut  
 legum pernicies incidere potest, ut rerum natura vertatur.  
 Quis enim quæso est adeo flagitijs omnibus coopertus, ut  
 ut non cupiat, se iustum & grauem existimari? quis, adeo  
 impudens, qui cum facinus aliquod nefarium admittit, non  
 oculos hominum vitandos existimet? Si enim flagitia multi  
 tudini pulchra viderentur, cur ea impuri homines tanto  
 studio cælarent? Cur explendæ libidinis gratia tenebras &  
 lustra sequerentur? Cur eos post suscepsum scelus intempe  
 rantiae suæ pœniteret? Nam cum aliquis aut turpitudinis  
 illecebra delinitus, aut alia quævis animi perturbatione con  
 citatus flagitium committit, ubi primum ille motus animi  
 residet, qui rationis iudicium impediebat, multis signis  
 ostendit, quæ acerbo animi cruciatu afficiatur, ex illius macu  
 lae conscientia. Hinc illa Phædra priuigni amore insaniens,  
 atque a mollissimo ritu & cultu ad venationis studium tra  
 ducta ab Euripide lamentans inducitur. Cum enim amore  
 furens nihil aliud, quam tela, canes, & montes inclamaret,  
 ubi se colligit, ita suum dedecus lamentatur.

Miseram me quod facinus feci?

Quo me traxit furor inuitam?

Agit in præceps, dira calamitas